



Broj: 02-04-2-1974/25
Maglaj, 30.10.2025. godine

Z A P I S N I K

sa 11. redovne sjednice Općinskog vijeća Maglaj
održane dana 30.10.2025. godine u 16:00 sati u Sali Općinskog vijeća
JU Dom kulture «Edhem Mulabdić» Maglaj

Predsjedavajuća Aida Bašić: Na osnovu člana 59. Poslovnika o radu Općinskog vijeća Maglaj, zaključaka Kolegija od 17.10.2025. godine otvaram 11. redovnu sjednicu Općinskog vijeća Maglaj.

Na današnju sjednicu pozvani su vijećnici iz parlamentarnih političkih stranaka: SDP, SDA, DF, SNAGA NARODA, PDA, BH ZELENI i NAPRIJED BH. Poziv za sjednicu dostavljeni su OSCE terenskom uredu u Travnik, i sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Takoder su pozvani i zastupnici u Skupštini Zeničko-dobojskog kantona.

Sve vas selamim i pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata. Molim predstavnicu Službe Općinskog načelnika i Općinskog vijeća da prozvkom vijećnika utvrdimo broj vijećnika na 11. redovnoj sjednici Općinskog vijeća Maglaj. Današnjoj sjednici Općinskog vijeća prisustvuju 23 vijećnika, nisu prisutni Đuhara Jasmin i Mahmić Selver. Nisam dobila nikakvu obavijest da će izostati sa današnje sjednice Općinskog vijeća. Konstatujem da Općinsko vijeće može punovažno raditi i odlučivati i donositi Odluke, zaključke i rješenja, čime je ispoštovan član 88. Poslovnika o radu Općinskog vijeća Maglaj. Na današnjoj sjednici izvršit ćemo verifikaciju zapisnika sa 10. redovne sjednice Općinskog vijeća Maglaj. Da li ima primjedbi na zapisnik? Uredaje za glasanje ste preuzeli, pa možete se izjasniti da li ima primjedbi na zapisnik. Glasanje je završeno. 22 vijećnika je gasalo za verifikaciju zapisnika sa protekle sjednice, jedan vijećnik se nije izjasnio.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Samir Fetić, Eldin Mehinagić, Arif Mujkanović, Damir Bašić, Adin Obralić Senad Šehić, Firuz Galijašević (SDP), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

Glasalo protiv: Nema.

Uzdržanih: Nema.

Predsjedavajuća Aida Bašić: Otvaram raspravu po pitanju Dnevnog reda, da li ima prijedloga za proširenje Dnevnog red? Nema, ukoliko nema za proširenje i dopunu pročitat ću predloženi Dnevni red.

DNEVNI RED

1. Izvještaj o finansijskoj reviziji Općine Maglaj za 2024. godinu
2. Prijedlog Odluke o komunalnim taksama općine Maglaj

3. Prijedlog Odluke o pristupanju djelimičnoj izmjeni "Urbanističkog reda - urbanistički plan Kosova", po zahtjevu Spahić (Jusuf) Muhameda
4. Nacrt Etičkog kodeksa Općinskog vijeća Maglaj
5. Prijedlog Odluke o zonama sanitarne zaštite i zaštitnim mjerama za izvorište vodovodnog sistema Obrovac u MZ Straište
6. Prijedlog Odluke o davanju saglasnosti za provođenje postupka dodjele koncesije po Zahtjevu Ministarstva za poljoprivredu, šumarstvo i vodoprivredu Zeničko-dobojskog kantona u ime investitora „ALU WOOD INŽINJERING“ doo Maglaj
7. a) Prijedlog Odluke o davanju saglasnosti punomoćniku državnog kapitala za glasanje o prijedlogu Zaključka o prestanku mandata članovima Nadzornog odbora KJD doo Maglaj
b) Prijedlog Odluke o davanju saglasnosti punomoćniku državnog kapitala za glasanje o prijedlogu Odluke o odobravanju Ugovora o angažmanu predsjednika/člana Nadzornog odbora KJD doo Maglaj
c) Prijedlog Odluke o davanju saglasnosti punomoćniku državnog kapitala za glasanje o prijedlogu Odluke o brisanju djelatnosti Komunalnog javnog društva doo Maglaj
d) Prijedlog Odluke o davanju saglasnosti punomoćniku državnog kapitala za glasanje o prijedlogu Odluke o izmjeni Statuta Komunalnog javnog društva doo Maglaj
e) Prijedlog Odluke o davanju saglasnosti punomoćniku državnog kapitala za glasanje o prijedlogu Odluke o davanju ovlaštenja
f) Prijedlog Odluke o davanju ovlaštenja punomoćniku za zastupanje Općinskog vijeća Maglaj na Skupštini „Komunalnog javnog društva“ doo Maglaj
8. Prijedlog Rješenja o imenovanju člana Upravnog odbora Javne ustanove „Narodna apoteka“ Maglaj na kraći period
9. Prijedlog Rješenja o razrješenju člana Komisije za zaštitu kulturno historijskog i privrednog naslijeđa i turizam
10. Prijedlog Rješenja o imenovanju člana Komisije za zaštitu kulturno historijskog i privrednog naslijeđa i turizam
11. Program rada Javne ustanove „Dječiji vrtić Maglaj za 2025/2026. godinu
12. Informacija o radu privatnih predškolskih ustanova za 2024/2025. godinu koje se sufinansiraju iz Budžeta Općine Maglaj sa programom rada za 2025/2026. godinu
13. Informacija o stanju sporta i sportskih terena na području općine Maglaj
14. Informacija o statusu poslovnih zona na općini Maglaj
15. Informacija o kvalitetu zraka u općini Maglaj

Vijećnička pitanja i inicijative

Predsjedavajuća Aida Bašić: Ko je za ovako pročitani Dnevni red?

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Samir Fetić, Eldin Mehinagić, Arif Mujkanović, Almin Smailović, Damir Bašić, Adin Obralić Senad Šehić, Firuz Galijašević (SDP), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

Glasalo protiv: Nema.

Uzdržanih: Nema.

Predsjedavajuća Aida Bašić: Vrijeme za glasanje je isteklo. Konstatujem da je za predloženi Dnevni red, glasalo 23 vijećnika koliko nas danas i ima na sjednici Općinskog vijeća. Prije nego što predemo na sam Dnevni red i na tačku 1. želim da upoznam Općinsko vijeće da je OO SDP Maglaj dostavio dopis u kojem kaže: Ovim putem vas obavještavamo da je novi predsjednik Kluba vijećnika SDP Maglaj Adin Obralić a njegov zamjenik Almin Smailović. Evo od danas je Adin Obralić predsjednik Kluba SDP-a.

AD 1. Izvještaj o finansijskoj reviziji Općine Maglaj za 2024. godinu

Predsjedavajuća Aida Bašić: Tačka 1. Izvještaj o finansijskoj reviziji Općine Maglaj za 2024. godinu. U skladu sa našim Pozivom današnjoj sjednici prisustvuje Anisa Prasko i Nisvet Trgalović. Anisa Prasko je voditeljica tima finansijske revizije Općine Maglaj za 2024. godinu. Kako smo se i dogovorile, gospođa će napraviti uvodni govor vezano za tačku 1. Ja bih Vas zamolila da dodete za govornicu. Prije nego što nam se gospođa Prasko obrati ja ću pročitati zaključak Komisije za statutarna pitanja, Poslovnik i propise a tiču se tačke 1. Komisija je nakon razmatranja Izvještaja o finansijskoj reviziji Općine Maglaj za 2024. godinu utvrdila da ova tačka ne može da se razmatra na Općinskom vijeću Maglaj u formi Izvještaja jer je Vijeće ne usvaja nego kao Informaciju o Izvještaju o finansijskoj reviziji Općine Maglaj za 2024. godinu, te kao takva bi trebala da ima propratni akt sačinjen od Službe za privredu, finansije i razvoj poduzetništva kojim bi se Općinsko vijeće Maglaj informisalo o Izvještaju kao i o preporukama na koje se kroz Izvještaj ukazuje. Potrebno je da uvodničar na sjednici detaljno informiše Općinsko vijeće Maglaj o samom Izvještaju. Evo gospođo, izvolite.

Anisa Prasko: Hvala, pozdravljam sve prisutne. Ja sam znači bila vođa tima u reviziji Općine za 2024. godinu. Mišljenje je dato na finansijski izvještaj sa rezervom i na usklađenost isto tako sa rezervom. Najznačajnije nepravilnosti su i konstatovane u kvalifikaciji za mišljenje. To su neraspoređeni višak prihoda nad razhodima. Odnosno to je posljedica. Bitno je istaći samo da namjenski prihodi nisu iskazivani na kraju godine na kratkoročni vremenskim razgraničenjima, što je imalo za posledicu uticaj na finansijski rezultat. Druga nepravilnost vezano za stalna sredstva je evidentiranje cesta, najveći dio rekonstrukcije i ulaganja u ceste evidentiralo se na poziciji stalnih sredstava kako je to i predviđeno, međutim određeni dio sredstava je išao na poziciju kapitalnih transfera. Što nije u skladu sa propisima. Također tu je potrebno povesti malo računa i o ulaganjima u objekte vodovoda i kanalizacije. Značajnije evidentiranje i ugovori sa Komunalnim preduzećem. Po pitanju neusklađenosti vezano za zakonske propise, konstatovano je da registar budžetskih korisnika nije potpun, najvećim dijelom se odnosi na ona izdvajanja iz tekućih transfera koja su recimo Centru za socijalni rad, zbog toga registar najvećim dijelom nije potpun, zatim na uspostavu trezorskog načina poslovanja, sistem internih kontrola u skladu sa Zakonom o finansijskom upravljanju i kontroli i vezano za godišnji popis određene nepravilnosti su konstatovane. To bi bilo osnovno, ako imate pitanja.

Predsjedavajuća Aida Bašić: Hvala Vam lijepo, možete se Vi sada vratiti na svoje mjesto a vijećnici ukoliko budu imali pitanja, Vi ćete naravno odgovarati ako Vam to ne bude teško. Hvala Vam. Otvaram raspravu, da li se neko od vijećnika javlja za riječ. Vijećnik Kusur izvolite.

Vijećnik Eldis Kusur: Ja vas sve selamim i pozdravljam, ja bih samo postavio jedno pitanje pa ako je u mogućnosti da mi se odmah i odgovori. Može li se ovo Općinsko vijeće informisati da li je do ovog momenta održavanja sjednice Općinskog vijeća ispoštovana neka od preporuka koje su ranije iznesene da se trebaju ispoštovati.

Predsjedavajuća Aida Bašić: Hvala lijepo, pitanje je upućeno reviziji Eldise, dobro. Nadam se da je gospođa čula. Morat ćete za govornicu, ako hoćete da sjednete ovdje bliže pošto će biti vjerovatno još pitanja, da ne hodate.

Vijećnik Eldis Kusur: Sugerishe načelnik isto da i služba odgovori.

Anisa Prasko: Ja se nadam da jesu jer koliko smo dobili povratne informacije a u službi svakako znaju više. Na planu integriteta se radilo, što se ostalog tiče, nadam se da će biti.

Predsjedavajuća Aida Bašić: Hvala Vam, možete tu bliže sjesti, da ne hodate. Vijećnik Arif se javio.

Vijećnik Arif Mujkanović: Ja bih zahvalio se na riječi i zamolio bih predstavnika službe da izađe i da kaže svoje mišljenje, mišljenje službe po pitanju Izvještaja revizije a ovo pretpostavljam da ne može revizorica da zna jer mislim to služba treba da zna, to je od revizije do revizije su Izvještaju. Volio bih da služba kaže, predstavnik službe da se očituje o vašem izvještaju.

Predsjedavajuća Aida Bašić: Hvala Arife, vijećnik Mirza se javio za riječ izvolite.

Vijećnik Mirza Mešić: Pošto se prvi put javljam pozdravit ću sve prisutne vijećnike i kolege i kolegice i goste. Ja ću iznijeti stavove DF-a kada je u pitanju Izvještaj, odnosno Informacija o Izvještaju. Sramotno je i za svaku kritiku ponašanje prethodne vlasti, odnosno bivšeg Općinskog načelnika koji svojim djelovanjem i činjenjem ili ne činjenjem doveo Općinu Maglaj u situaciju da samo četiri godine nakon izvršene jedne revizije 2020.godine od strane inspektora iz Ureda za reviziju bude ediventirano čak 11 preporuka za eliminisanje nedostataka i nepravilnosti a samo 3 jesu. Znači 11 nisu, kakve mi informacije imamo. Ne samo da se nije postupalo po preporukama revizora nego su 4 godine nastali propusti i u 2024. godini utvrđuje 8 novih preporuka. Vijećnici iz prethodnog mandata se mogu sjetiti bahatog ponašanja načelnika koji je najprije opstruirao mjesecima da je Izvještaj o reviziji za 2020. godinu dođe na red Općinskog vijeća a potom opstrukcije da Vijeće uopće razmatra plan aktivnosti za preovladavanje slabosti i neregularnosti. Na kraju svjedoci smo opstrukcije i pri redovnom izvještavanju Općinskog vijeća Maglaj o realizaciji Plana aktivnosti. Razlozi koji su navedeni u Izvještaju revizora odnosno upućene primjedbe slabosti su bile razlog zašto Klub DF Maglaj nije podržao godišnji izvještaj o budžetu za 2024.godinu i Izvještaj o radu Općinskog načelnika za 2024.godinu. Ured je i 2024.godine konstatovao niz propusta i nedostataka u korištenju finansijskih sredstava, utvrdio da se nije radilo u skladu sa Zakonom o budžetima, Zakonom o trezoru, Zakonom o računovodstvu i reviziji i mnogim drugim podzakonskim aktima. Čime se javna ili budžetska sredstva knjižila pogrešno, manje ili nikako a sve to još sa nemarnim odnosom prema zahtjevima da se uspostave procedure i kriteriji za trošenje budžetskih sredstava. Izvještaj je pokazao i da su sredstva u nekim segmentima koristila netransparentno npr. u sportu i projektu START UP, stoga i ne čudi što bivši načelnika iako mu je bila obaveza nije sačinio Plan integriteta, što je drugo ime za konkretan plan suzbijanja korupcije i kriminala u organima uprave. Klub DF-a sugerise novom načelniku Maidu Suljakoviću obzirom da su svi nedostaci i propusti bivšeg načelnika ostavljeni njemu i nama kao vijećničkoj većini da rješavamo te probleme, da sačini realan plan aktivnosti na otklanjanju nedostataka i nepravilnosti prema preporukama iz revizorskog izvještaja za 2024.godinu. Ja smatram da će to Općinski načelnik koliko ozbiljno do sada radi, to i učiniti. Kada kažemo realan plan, onda razumijemo teškoće i potrebno vrijeme da se uvede trezorsko poslovanje prema odredbama zakona, uspostavi registar budžetskih korisnika, sistem internih kontrola prema zakonskim odredbama, da pripremi i donese sve neophodne akte koji ne postoje ili nisu ažurirani još od 2010.godine. Realan plan podrazumjeva aktivnosti da se već s početkom naredne budžetske godine 2026.godine utvrde i na Općinskom vijeću potvrde svi programi i kriteriji za izdavanje budžetskih sredstava kroz transfere i subvencije, te da se pristupi što brže izradi Plana integriteta a taj dokument treba da ima i Općinsko vijeće Maglaj, pa eto sugestije i načelniku i nama Vijeću da ovaj dokument donesemo. Na kraju ćemo ponoviti obzirom da je ovo već i gospođa koja predstavlja revizorsku kuću, već napomenula, ja ću također napomenuti, ne može se desiti da prođu godine a da se putem Općinskog vijeća Maglaj ne donese Odluka o ustupanju nove ili rekonstruisane vodovodne ili kanalizacione mreže Komunalnom društvu na upravljanje jer je osnov kriminalnih aktivnosti kao što su ilegalni priključci a znamo da ih ima to smo mogli vidjeti u prethodnom Izvještaju Komunalnog javnog društva i loše izvedeni projekti mimo dokumentacije. Isto tako je važno da se izgradnja i rekonstrukcija lokalnih puteva knjiži u osnovna sredstva Općine i da se izradi potrebni akti koji regulišu i uređuju status javnih cesta na području općine Maglaj. Toliko hvala.

Predsjedavajuća Aida Bašić: Hvala lijepo. Da li ima još vijećnika za diskusiju? Ukoliko nema, evo ispred službe molit ću vas da se osvrnete na pitanja koja su bila postavljena. Ja znam da Dženana nije bila tu u ranijem periodu ali evo neko mora dati pojašnjenja. Također Dženana ne zna ni ispred službe je došlo da se tačka zove Izvještaj a kako vidimo bilo bi potrebno da bude Informacija obzirom da mi o ovome ne možemo glasati.

Dženana Hadžiedhemović Grahić: Prije svega da vas sve pozdravim i poselamim. Evo ovako baš kao što ste rekli, revizorski izvještaj i to je nešto što smo mi već raspravljali u prethodnom

sazivu Vijeća kada se raspravljalo o Izvještaju finansijske revizije za 2020. godinu i vrlo dobro znam da sam sa ovog mjesta rekla da Vijeće ne raspravlja o Izvještaju ne može ga usvojiti ni ne usvojiti jer to ništa ne znači. Izvještaj je takav kakav jeste, revizori su uradili uz zakonsku regulativu i konstatovali sve ono što temeljem zakona smatraju da su negdje napravljeni propusti, negdje nešto nije dovoljno ili totalno je preskočeno. Mada, sve ono što su revizori naravno evo revizori i jesu tu, revizori su dali mišljenje sa rezervom što znači da i sama usgladenost poslovanja svakako mi trebamo da popravimo da postupimo prema preporukama i ja odgovorno tvrdim i u ranijem periodu i u ovom periodu i u svakom budućem da se svako tamo ko radi u onoj zgradi svjesno i savjesno svoj posao da radi i da maksimalno koristi zakon i da mu zakon bude ustvari vodilja kroz njegov posao. Da se dešavaju propusti dešavaju se, evo revizija je tu mi ćemo primijeniti i pokušati ispraviti je li sve ono što možemo, morate da vodite računa također i o tome o broju usposlenih ljudi, zatim o nekim stvarima koje se tiču, odnosno koje podrazumjevaju finansijska sredstva. Recimo nije samo reći trezorsko poslovanje, trezorsko poslovanje podrazumjeva niz procesa, podrazumjeva dodatno upošljavanje ljudi, podrazumjeva što automatski izdvajanja na plaćama. Podrazumjeva programsko usklađivanje itd. To je jedan proces koji naravno mi znamo da to trebamo i polako ići ćemo ka tome ali ne bih ovdje željela da samo donosite sud, tek tako da je to trezorsko nije to uvesti preko noći. Potom ja ću sada evo krenuti redom vijećnik Eldis je pitao o realizovanim preporukama do momenta održavanja sjednice. Što se tiče realizovanih preporuka do momenta održavanja ove sjednice, Općina Maglaj je realizovala preporuku revizora datu koja podrazumjeva usklađivanje obračuna plaća i isplate plaća uposlenici Općine Maglaj, vi i sami znate na Vijeću je bilo na jednoj od prethodnih sjednica imali ste materijal gdje ste dali suglasnost na Odluku o načinu obračuna plata državnih službenika i namještenika Općine Maglaj. S druge strane ono što bih ja rekla da je sa mene jedna od najznačajniji preporuka do ovog momenta koja je evo postupamo po njoj jeste uspostavljanje finansijskog upravljanja i kontrole, nakon što smo dobili Izvještaj revizora nakon održanog sastanka sa načelnikom načelnik je odmah poduzeo mjere provođenja postupka javne nabavke i do ovog momenta odabran je ponuđač, zaključen ugovor i procesi uspostavljanja finansijskog upravljanja i kontrole uveliko traju i naravno Vijeće će se izvjestiti u nekom budućem, periodu dok ti procesi završe, to radi kuća koja radi sva federalna ministarstva, državna ministarstva, parlament, kantonalna ministarstva, neko ko ima iskustvo i ko zna je li mapu procesa rizika i sve ono što finansijsko upravljanje i kontrola sa sobom nosi. To je u ovom momentu što se tiče preporuka postoje ovdje preporuke revizora koje će se i odgovorno tvrdim ispraviti u periodu, međutim nismo trenutno kalendarski u tom periodu da to možemo ispraviti, kao što su recimo preporuke sačinjavanja Izvještaja uz godišnji obračune kao što su preporuke popisa stalnih sredstava, otpisa i svega ostalog, što se veže za kraj godine o čemu ćemo mi svakako i Ured za reviziju izvjestiti kada budemo imali konkretno odnosno kad se završi ova tekuća godina, kada budemo postupili po ispravci ovih preporuka. Naravno, da ćemo u narednom periodu raditi na ispravci svi, da ćemo u jednoj godini stići sve vrlo vjerovatno nećemo ali da radimo i da se trudimo to svakako. Potom vijećnik Mujkanović Vi ste tražili mišljenje službe, služba koa služba ne izjašnjava se o samom Izvještaju. Evo ja sam rekla neke stvari za koje smatram je li, rekla sam šta je do sada učinjeno na koji način se radi. Služba je primila k znanju također kao i vi Izvještaj, znamo da revizori oslanjaju se na zakon i ono što je nama, imamo ovaj revizorski izvještaj pred sobom, svako svoj referat posao i da se trudimo u narednom periodu da ga usklađujemo u skladu sa ovim preporukama. Ja sada ne znam da li je to ono što ste tražili ili.

Vijećnik Arif Mujkanović: Više ću ići sa jednom tačkom, ovdje je bilo pojedinih kvalifikacija kriminalnih radnji i tako ipak to su kvalifikacije koje imaju svoju težinu i volio bih da se očitujete da li je bilo toga.

Predsjedavajuća Aida Bašić: Arife, ko je pominjao kriminalne radnje?

Vijećnik Arif Mujkanović: Prethodni vijećnik, nezakonite radnje, kriminalne čak elemenata kriminalnih, pogledajte slobodno zapisnik i stenogram pa ćete vidjeti to. Zatim, još ću vas jedno pitanje u jednom momentu da li je i jedna dosadašnja vlast koja je bila, da li je uradila popis stalne imovine puteva i to i da li su susjedne općine. Možda je pitanje više vama da postavim, možete

napraviti komparaciju malo susjedne opštine kako su otprilike izgledale i šta znači mišljenje sa rezervom. Da mislim sklonite te kvalifikacije da ne ispadne da je neko radio i možete reći razlog zašto pojedine gdje ste rekli da je došlo, da nije došlo do utroška svih sredstava, ne znam nisam ekonomista ali razlog zašto je to, dešava se, da li su to pojedini tenderi koji se nisu mogli, žalbe i vremenski period da li je to remetilo da nam malo objasnite po pitanju toga, ako možete. Ko god može da kaže odgovor, ja bih bio zahvalan kao vijećnik a ovo sam Dženani konkretno mislio po pitanju onih kvalifikacija, ona pitanja. Mislim to proziva direktno službu.

Anisa Prasko: Ako sam dobro razumjela vezano za ovo maloprije što ste govorili razlog je samo što se neutrošena namjenska sredstva po pitanju ne znam šume, sklonište, šta se već svrstava u namjenska sredstva. Nije evidentiralo na kraju godine, znači ona stoje na računu namjenskog, vi imate otvorene račune i podračune, međutim ta sredstva nisu na kraju godine jednostavno u skladu sa propisim prenesena na razgraničenje, odnosno skinuta sa prihoda, pa sljedeće godine ponovo oprihodovana na način da se samo utrošeni dio prikazuje. Tako da to nije značajno jer najveći dio sredstava koji se odnosi na sredstva koja je Općina dobila za kapitalne projekte je razgraničen.

Predsjedavajuća Aida Bašić: Adin Obralić se javio izvolite.

Vijećnik Adin Obralić: Zahvaljujem predsjedavajuća sve vas srdačno selamim i pozdravljam. Pitanje je za službu vezano za ove ranije navode, da li je tačno da ste vi, odnosno kada kažem vi mislim na vašu službu ili bilo koju službu opstruisanu od strane bivšeg načelnika ili bivše vlasti u vršenju vaših zadataka odnosno provođenju preporuka od strane revizora. Hvala.

Predsjedavajuća Aida Bašić: Hvala lijepo, Dženana izvolite.

Dženana Hadžiedhemović Grahić: Ovako, ja sam iznenađena pitanjem jer zaista u mom radu nije, ja zaista, činjenica je nisam radila 2,5 godine tako da u nekom dužem periodu ali zaista prvi put čujem i ta mi se konstatacija nikako ne uklapa u rad. Ne vidim da neko ima, zaista ne znam mogu govoriti u svoje lično ime i u ono za vrijeme dok ja rukovodim službom, zaista ne vidim, ne može se tako gledati šta znači opstrukcija? Ne znači opstrukcija, ako neko nema trenutna finansijska sredstva ako nema kadrovsku strukturu da neke stvari se poprave. Ako to nije bilo u roku 2 mjeseca, ne možete reći da neko to opstruiše. Ne možete reći bilo ko, znači ja ovdje sa ovog mjesta govorim kao profesionalac politička previranja ne ulazim u tom ali ovdje govorim sa aspekta struke kao profesionalac, ne može se tako šturo gledati i da je sve opstrukcija što nije urađeno u roku mjesec dva. Zavisi da li smo imali kadrovsku strukturu dovoljnu, da li smo imali finansijska sredstva, da li, ... jednostavno više je tu faktora koji zaista odlučuju na kraju o svemu tome. Tako da.

Predsjedavajuća Aida Bašić: Hvala, izvolite Adine.

Vijećnik Adin Obralić: Zahvaljujem se Dženani, ja zaista nisam rekao da ste vi radili neke opstrukcije, samo su me zanimala da li su tačni navodi koji su prije mene kolega Mešić iznio, pa sam s te strane postavio to pitanje a ja ne sumnjam u vaš rad, jer vrlo dobro vas poznaje i znam kako radite i čestitam vam na vašem radu i da tako dalje i nastavite. Hvala.

Dženana Hadžiedhemović Grahić: Hvala.

Predsjedavajuća Aida Bašić: Evo da li ima još vijećnika za diskusiju? Ukoliko nema, zatvaram raspravu i kako smo u prethodnoj diskusiji rekli, ovo je Izvještaj o finansijskoj reviziji o njemu se nećemo izvještavati u smislu glasanja nego ću konstatovati da je ovo Vijeće Izvještaj o finansijskoj reviziji Općine Maglaj za 2024. godinu primilo k znanju. Hvala gospođi Prasko što nas je izvjestila i što su se odazvali našem pozivu da prisustvuju sjednici Općinskog vijeća. Hvala Vam još jednom.

ZAKLJUČAK

- 1.1. Prima se k znanju Informacija o Izvještaju o finansijskoj reviziji Općine Maglaj za 2024. godinu

AD – 2: Prijedlog Odluke o komunalnim taksama općine Maglaj

Predsjedavajuća Aida Bašić: Tačka 2. Prijedlog Odluke o komunalnim taksama općine Maglaj. Otvaram raspravu, da li je potreban uvodničar? Pretpostavljam da jeste, pravobranilac gospoda Azra Čakrama je vidim bila obrađivač, sa ostalim kolegama. Azra hoćete nas Vi informisati.

Azra Čakrama: Selamim i pozdravljam sve prisutne. Kada su u pitanju Odluke jedinice lokalne samouprave naše Općine Maglaj kao i odredbe Zakona o komunalnim taksama kojima se nalaže obaveza plaćanja komunalne takse na istaknutu firmu potrebno je da nadležni organi izbrišu sve takve stavke i odredbe koje definišu ovu oblast. Naime, Ustavni sud FBiH presudom broj 12/23 od 22.11.2023. godine utvrdio da je dosadašnji, odnosno nekadašnji Zakon o komunalnim taksama preuzet kao republički zakon prestao da važi i samom tom činjenicom stupanja na snagu Ustava FBiH svako dalje normiranje, bilo kojom odlukom ovog Općinskog vijeća dovelo bi do kolizije sa Ustavom, kao i Odlukom Ustavnog suda. U skladu sa tim konačnim i obavezujućim Odlukama Ustavnog suda FBiH, obaveza dake plaćanja komunalne takse na istaknutu firmu nije u skladu sa Ustavom, potom se očitovao ponovno Ustavni sud, bilo je onih poprečnih stavova vezanih između Ustavnog suda BiH i Ustavnog suda FBiH ali od 07.05.2025.godine imamo zajedničko mišljenje gdje smo obavezni kao lokalna zajednica ne samo mi nego svi u Federaciji koji to primjenjuju i naplaćuju da u razumnom roku otklonimo sve te stavke iz postojećih odluka. Zato vi danas ispred sebe imate prijedlog Odluke o komunalnim taksama, urađen u novoj verziji gdje god smo imali normu koja je uređivala naplaćivanje takve vrste taksi za istaknutu firmu, mi smo je sada brisali pa tako otprilike dođe ko jedna verzija konačna verzija prečišćenog teksta sa izbačenim nezakonitim i nesustavnim normama unutar same ranije Odluke Općinskog vijeća. Toliko, znači naloženo nam je presudom svima nama u FBiH i tu nema dileme.

Predsjedavajuća Aida Bašić: Hvala Azra, ako bude pitanja tu ste. Otvaram raspravu, da li se neko javlja za riječ? Imamo zaključak komisije za statutarne pitanja, Poslovnik i propise koji kaže Komisije je nakon razmatranja Prijedloga Odluke o komunalnim taksama Općine Maglaj utvrdila mišljenje da akt sadrži odredbe propisa i potvrđuje usaglašenost sa zakonom i Statutom Općine Maglaj koji ukazuje na nadležnost Općinskog vijeća Maglaj da navedeni akt razmatra i postupa shodno svojim nadležnostima. Da li se neko od vijećnika javlja za diskusiju? Ukoliko nema, zatvaram raspravu te tačku 2 stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Samir Fetić, Eldin Mehinagić, Arif Mujkanović, Almin Smailović, Damir Bašić, Adin Obralić Senad Šehić, Firuz Galijašević (SDP), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

Glasalo protiv: Nema.

Uzdržanih: Nema.

Predsjedavajuća Aida Bašić: Vrijeme za glasanje je isteklo, konstatujem da je za tačku 2 glasalo 23 vijećnika, jednoglasno smo prihvatili tačku.

ZAKLJUČAK

2.1. Donosi se Odluka o komunalnim taksama općine Maglaj.

AD -3: Prijedlog Odluke o pristupanju djelimičnoj izmjeni "Urbanističkog reda - urbanistički plan Kosova", po zahtjevu Spahić (Jusuf) Muhameda

Predsjedavajuća Aida Bašić: Prelazimo na tačku 3. Prijedlog Odluke o pristupanju djelimičnoj izmjeni "Urbanističkog reda - urbanistički plan Kosova", po zahtjevu Spahić (Jusuf) Muhameda. Otvaram raspravu, da li je potreban uvodničar, Faris je tu, želite li, ne želite. Da li se neko javlja za

diskusiju vezano za tačku 3., ne javlja, ako je tako zatvaram raspravu i tačku 3 stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Samir Fetić, Eldin Mehinagić, Arif Mujkanović, Damir Bašić, Adin Obralić Senad Šećer, Firuz Galijašević (SDP), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

Glasalo protiv: Nema.

Uzdržanih: Nema.

Predsjedavajuća Aida Bašić: Glasanje je završeno, konstatujem da je 22 vijećnika glasalo za, jedan vijećnik se nije izjasnio. Konstatujem da je tačka 3 dobila potrebnu većinu.

ZAKLJUČAK

3.1. Donosi se Odluka o pristupanju djelimičnoj izmjeni "Urbanističkog reda - urbanistički plan Kosova", po zahtjevu Spahić (Jusuif) Muhameda

AD -4: Nacrt Etičkog kodeksa Općinskog vijeća Maglaj

Predsjedavajuća Aida Bašić: Prelazimo na tačku 4. a to je Nacrt Etičkog kodeksa Općinskog vijeća Maglaj. Da li je potreban ovdje uvodničar, jeste, Sabahudin Salkanović je sa nama predsjednik komisije. Evo sabahudine izvolite.

Sabahudin Salkanović: U ime Komisije za statutarna pitanja, Poslovnik i propise sve vas selamim i pozdravljam. Iako je već u obrazloženju već navedeno sve ono što treba biti, ja ću vas samo ukratko upoznati da je Planom rada Vijeća za 2025. godinu predviđeno znači da bude onaj Nacrt odnosno Prijedlog Etičkog kodeksa za izabrane zvaničnike Općine Maglaj. Nosilac aktivnosti po tom Programu je Komisija za statutarna pitanja, Komisija je na svojoj jednoj od svojih sjednica nakon informisanja stručnog savjetnika za poslove Općinskog vijeća upoznat je da postoji model Etičkog kodeksa, koji je dala preporuke Misija OSCE-a, mi smo raspravljali i donijeli zaključak da takav prijedlog uputimo u proceduru Općinskog vijeća na razmatranje i usvajanje. Napomena da je za usvajanje ovog akta dana i preporuka još 2023. godine od Saveza Općina i Gradova FBiH. U nedavno smo na obuci koju je provela Misija Osce-a bili ja i Emina i saznali smo i dobili informaciju da je Maglaj među zadnjim opštinama znači na ZDK koji nije usvojila ovaj Etički kodeks. Znači iz 2023. godine postoji taj Nacrt odnosno Prijedlog modela Komisija je tehnički prilagodila Nacrt zajedno sa stručnim savjetnikom i dostavila vamana razmatranje i usvajanje. Komisija je predložila da se provede javna rasprava na ovaj Nacrt trajanje 15 dana, tako da ako ima kakvih pitanja pojasnit ćemo i to je to.

Predsjedavajuća Aida Bašić: Hvala lijepo, evo možete sjesti tu bliže ukoliko bude pitanja. Da li se neko od vijećnika javlja za diskusiju? Vijećnik Pehrat, zahtjev Kluba SDA može izvolite. Nakon pauze nastavljamo dalje, diskusija još uvijek nije zatvorena, da li neko se javlja za riječ vezano za tačku 4 Nacrt Etičkog kodeksa Općinskog vijeća Maglaj. Vijećnik Eldin izvolite.

Vijećnik Eldin Pehrat: Sve vas srdačno selamim i pozdravljam. Dakle ovaj Etički kodeks Općinskog vijeća Maglaj je sveobuhvatan i detaljno obrađuje ključne etičke principe, te jasno definiira pojmove kao i propisuje proceduru za borbu protiv korupcije, sukoba interesa, međutim mi u Klubu vijećnika SDA smatramo da su određene stvari trebaju urediti i dopuniti ali evo s obzirom da se radi o Nacrtu Etičkog kodeksa, mi ćemo svoje prijedloge blagovremeno dostaviti u pisanoj formi. Hvala.

Predsjedavajuća Aida Bašić: Hvala lijepo, da li se još neko javlja za riječ? Imamo i zaključak Komisije za statutarna pitanja, Poslovnik i propise koji kaže Komisija je nakon razmatranja Nacrta Etičkog kodeksa Općinskog vijeća Maglaj utvrdila mišljenje da akt sadrži odredbe propisa koji utvrđuju usaglašenost sa zakonom i Statutom Općine Maglaj a kojim ukazuje na nadležnost Općinskog vijeća Maglaj da navedeni akt razmatra i postupa shodno svojim nadležnostima.

Također komisija predlaže javnu raspravu na Nacrt Etičkog kodeksa, te da se pozovu sve političke stranke, ustanove, udruženja kao i svi građani da u roku od 10 dana dostave Općinskom vijeću Maglaj svoje prijedloge, primjedbe i sugestije na Nacrt Etičkog kodeksa Općinskog vijeća Maglaj kao i da se Poziv objavi na web stranici Općine Maglaj i RTV Maglaj. Ukoliko nema više vijećnika za diskusiju, zatvaram raspravu te ovaj prijedlog komisije vezano za javnu raspravu na Nacrt Etičkog kodeksa Općinskog vijeća Maglaj sa rokom od 10 dana i sve ovo što su dalje, što sam vam sada pročitala stavila bih na glasanje, da se Vijeće izjasni o ovom prijedlogu Komisije. Sad se izjašnjavate o prijedlogu komisije vezano za javnu raspravu i rok. Treba li vam pročitati ovaj prijedlog ponovo ili ste čuli, ne treba.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

Glasalo protiv: Nema.

Uzdržanih: Samir Fetić, Eldin Mehinagić, Almin Smailović, Arif Mujkanović, Damir Bašić, Adin Obralić Senad Šehić, Firuz Galijašević (SDP).

Predsjedavajuća Aida Bašić: Vrijeme je isteklo za prijedlog je glasalo 15 vijećnika, 8 vijećnika je bilo suzdržano. Konstatujem da je prijedlog dobio potrebnu većinu a sada na glasanje stavljam Nacrt Etičkog kodeksa Općinskog vijeća Maglaj.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

Glasalo protiv: Nema.

Uzdržanih: Samir Fetić, Eldin Mehinagić, Almin Smailović, Arif Mujkanović, Damir Bašić, Adin Obralić Senad Šehić, Firuz Galijašević (SDP).

Predsjedavajuća Aida Bašić: Vrijeme je isteklo za prijedlog je glasalo 15 vijećnika, 8 vijećnika je bilo suzdržano. Konstatujem da je Nacrt Etičkog kodeksa Općinskog vijeća Maglaj dobio potrebnu većinu.

ZAKLJUČAK

4.1. Komisija za statutarna pitanja, Poslovnik i propise će provesti javnu raspravu na Nacrt Etičkog kodeksa Općinskog vijeća Maglaj, te pozvati sve političke stranke, ustanove, udruženja, kao i sve građane da u roku od deset dana dostave Općinskom vijeću Maglaj svoje prijedloge, primjedbe i sugestije na Nacrt Etičkog kodeksa Općinskog vijeća Maglaj, kao i da se Poziv objavi na web stranici Općine Maglaj i RTV Maglaj;

4.2. Donosi se Nacrt Etičkog kodeksa Općinskog vijeća Maglaj.

AD – 5: Prijedlog Odluke o zonama sanitarne zaštite i zaštitnim mjerama za izvorište vodovodnog sistema Obrovac u MZ Straište

Predsjedavajuća Aida Bašić: Prelazimo na tačku 5. a to je Prijedlog Odluke o zonama sanitarne zaštite i zaštitnim mjerama za izvorište vodovodnog sistema Obrovac u MZ Straište. Da li je potreban uvodničar? Nije, otvaram raspravu, da li neko od vijećnika želi diskutovati vezano za tačku 5? Zaključak Komisije ću pročitati, komisija je nakon razmatranja Prijedloga Odluke o zonama sanitarne zaštite i zaštitnim mjerama za izvorište vodovodnog sistema Obrovac u MZ Straište utvrdila mišljenje da akt sadrži odredbe propisa koji utvrđuju usaglašenost sa zakonom, Statutom Općine Maglaj koji ukazuju na nadležnost Općinskog vijeća Maglaj da navedeni akt razmatra i postupa shodno svojim nadležnostima. Evo ukoliko nema vijećnika za diskusiju, zatvaram raspravu te tačku 5 stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Šerhatlić (PDA), Samir Fetić, Eldin Mehinagić, Almin Smailović, Arif Mujkanović, Damir Bašić, Adin Obralić, Senad Šehić, Firuz Galijašević (SDP).

Glasalo protiv: Nema.

Uzdržanih: Nema.

Predsjedavajuća Aida Bašić: Glasanje je završeno, 23 vijećnika su glasala za, uzdržanih i protiv nije bilo. Toliko nas i jeste u Sali Općinskog vijeća. Konstatujem da je tačka 5 dobila potrebnu većinu. Što se niste javili ranije? Evo vijećnici se slažu da vi možete da se obratite iako smo već zatvorili raspravu ali ukoliko su svi saglasni. Nema veze svakako je izvan redovne procedure.

Bahrudin Hodžić: Ovak, za one koji me ne znaju, ja sam Bahrudin Hodžić, građanin sela Straište odnosno MZ Straište i u ime građana MZ Straište korisnika vodovoda Obrovac pozdravljam predsjedavajuću, vijećnike, Općinskog načelnika i tako. Ovim putem u ime građana MZ Straište želim da se zahvalim na podršci koju ste dali kod donošenja ove Odluke. Ona je bitna za nas koji živimo na području MZ Straište. Ovo je prvi put u historiju MZ Straište a možda i u još drugih injesnih zajednica da je naš vodovod Obrovac registrovan i ima sve zakonom propisane vodne akte. Također zahvalio bih se Općinskom načelniku, administraciji za svu podršku i pomoć pri donošenju vodnih akata za vodovod Obrovac u MZ Straište. Također u narednom periodu očekujemo i podršku da održimo i povećamo kvalitet usluga vodosnabdjevanja sa našeg vodovoda Obrovac kod planiranja sredstava za vodne objekte, rekonstrukcija i hvala vam. Od mene toliko u ime građana MZ Straište.

Predsjedavajuća Aida Bašić: Hvala Vama što se ovdje sa nama i evo hvala za te pozitivne komentare svakako.

ZAKLJUČAK

5.1. Donosi se Odluka o zonama sanitarne zaštite i zaštitnim mjerama za izvorište vodovodnog sistema Obrovac u MZ Straište.

AD – 6: Prijedlog Odluke o davanju saglasnosti za provođenje postupka dodjele koncesije po Zahtjevu Ministarstva za poljoprivredu, šumarstvo i vodoprivredu Zeničko-dobojskog kantona u ime investitora „ALU WOOD INŽINJERING“ doo Maglaj

Predsjedavajuća Aida Bašić: Prelazimo na tačku 6. a to je Prijedlog Odluke o davanju saglasnosti za provođenje postupka dodjele koncesije po Zahtjevu Ministarstva za poljoprivredu, šumarstvo i vodoprivredu Zeničko-dobojskog kantona u ime investitora „ALU WOOD INŽINJERING“ doo Maglaj. Da li je potreban uvodničar jeste. Ferhate izvolite.

Ferhat Bradarić: Prvo da vas sve pozdravim. Znači u skladu sa zahtjevom Ministarstva za poljoprivredu, vodoprivredu i šumarstvo ZDK a koje je u skladu sa Zakonom o koncesijama Općinska vijeća se moraju izjasniti po pitanju prava korištenja prirodnih resursa na nivou općine. Nakon ove procedure koja prolazi davanje saglasnosti ili nedavanja saglasnosti Općinskog vijeća potpisuju ugovor o koncesiji pristupa donošenju svih onih vodnih akata koji sljedeju investitori, bilo da se radi o komercijalnoj ili vodi za korištenje kao što je bilo u prethodnom slučaju za našeg sugrađanina. Samo da vas napomenem da ovu istu proceduru je 2015. godine prošlo privredno društvo Nerken i jedini je ovdje na nivou općine koji koristi vodu u komercijalne svrhe. Ovo je drugi zahtjev i nadamo se kao općinska služba da će ovo biti u narednom periodu jedna praksa i nadam se da će to proći.

Predsjedavajuća Aida Bašić: Hvala lijepo, otvaram raspravu. Da li se neko od vijećnika javlja za diskusiju? Ukoliko nema zainteresovanih za diskusiju, zatvaram raspravu, na zahtjev Kluba SDP-

a pauza izvolite. Nakon pauze nastavljamo dalje, došli smo do dijela vezano za glasanje tačka 6. Prijedlog Odluke o davanju saglasnosti za provođenje postupka dodjele koncesije po Zahtjevu Ministarstva za poljoprivredu, šumarstvo i vodoprivredu Zeničko-dobojskog kantona u ime investitora „ALU WOOD INŽINJERING“ doo Maglaj. Tačku stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Kenan Burić (NARIJED BH), Nesib Serhatlić (PDA).

Glasalo protiv: Nema.

Uzdržanih: Samir Fetić, Eldin Mehinagić, Almin Smailović, Arif Mujkanović, Damir Bašić, Adin Obralić Senad Šehić, Firuz Galijašević (SDP).

Predsjedavajuća Aida Bašić: Glasanje je završeno. Konstatujem da je za tačku 6. glasalo 15 vijećnika i 8 vijećnika je bilo uzdržano. Te konstatujem da je tačka 6 dobila potrebnu većinu.

ZAKLJUČAK

6.1. Donosi se Odluka o davanju saglasnosti za provođenje postupka dodjele koncesije po Zahtjevu Ministarstva za poljoprivredu, šumarstvo i vodoprivredu Zeničko-dobojskog kantona u ime investitora „ALU WOOD INŽINJERING“ doo Maglaj

AD – 7: a) Prijedlog Odluke o davanju saglasnosti punomoćniku državnog kapitala za glasanje o prijedlogu Zaključka o prestanku mandata članovima Nadzornog odbora KJD doo Maglaj

b) Prijedlog Odluke o davanju saglasnosti punomoćniku državnog kapitala za glasanje o prijedlogu Odluke o odobravanju Ugovora o angažmanu predsjednika/člana Nadzornog odbora KJD doo Maglaj

c) Prijedlog Odluke o davanju saglasnosti punomoćniku državnog kapitala za glasanje o prijedlogu Odluke o brisanju djelatnosti Komunalnog javnog društva doo Maglaj

d) Prijedlog Odluke o davanju saglasnosti punomoćniku državnog kapitala za glasanje o prijedlogu Odluke o izmjeni Statuta Komunalnog javnog društva doo Maglaj

e) Prijedlog Odluke o davanju saglasnosti punomoćniku državnog kapitala za glasanje o prijedlogu Odluke o davanju ovlaštenja

f) Prijedlog Odluke o davanju ovlaštenja punomoćniku za zastupanje Općinskog vijeća Maglaj na Skupštini „Komunalnog javnog društva“ doo Maglaj

Predsjedavajuća Aida Bašić: Prelazimo na tačku 7.a) Prijedlog Odluke o davanju saglasnosti punomoćniku državnog kapitala za glasanje o prijedlogu Zaključka o prestanku mandata članovima Nadzornog odbora KJD doo Maglaj, pod b) Prijedlog Odluke o davanju saglasnosti punomoćniku državnog kapitala za glasanje o prijedlogu Odluke o odobravanju Ugovora o angažmanu predsjednika/člana Nadzornog odbora KJD doo Maglaj, pod c) Prijedlog Odluke o davanju saglasnosti punomoćniku državnog kapitala za glasanje o prijedlogu Odluke o brisanju djelatnosti Komunalnog javnog društva doo Maglaj, pod d) Prijedlog Odluke o davanju saglasnosti punomoćniku državnog kapitala za glasanje o prijedlogu Odluke o izmjeni Statuta Komunalnog javnog društva doo Maglaj, pod e) Prijedlog Odluke o davanju saglasnosti punomoćniku državnog kapitala za glasanje o prijedlogu Odluke o davanju ovlaštenja, pod f) Prijedlog Odluke o davanju ovlaštenja punomoćniku za zastupanje Općinskog vijeća Maglaj na Skupštini „Komunalnog javnog društva“ doo Maglaj. Ja bih da otvorim raspravu za tačku 7. i da sve ove pod tačke se obrade u jednoj diskusiji ako se naravno slažete. Sve je vezano za Komunalno javno društvo. Direktorica je sa nama ovdje, ima li potrebe za uvodničarem? Želite li da se pojašnjava, nema, otvaram raspravu da li se neko javlja za riječ? Vijećnik Obralić izvolite.

Vijećnik Adin Obralić: Zahvaljujem, samo čisto tehničke stvari, pitanje što se tiče to je ovo pod c Odluka o davanju saglasnosti punomoćniku državnog kapitala za glasanje o Prijedlogu Odluke o brisanju djelatnosti samo da neko objasni šta tačno podrazumjevate pod ovom djelatnosti u vanjskotrgovinskom poslovanju. Hvala.

Predsjedavajuća Aida Bašić: Hvala. Evo direktorice možete Vi.

Šefka Hasanić: Uvažena predsjedavajuća, dopredsjedavajuća, uvaženi načelnice, vijećnici i vijećnice, srdačno vas selamim i pozdravljam. Što se tiče pitanja vijećnika Obralića ovo stoji u registraciji društva da obavljamo djelatnosti van Bosne i Hercegovine, što ne radimo, to nas dodatno finansijski opterećuje, tako da bilo bi poželjno da to izbrišemo jer ne radimo tu vrstu djelatnosti ni usluge van BiH, tako da finansijski to nas kvartalno košta negdje od 500 do 600 maraka, na nivou godine oko 2.000 i to bi bile iznimne uštede za Komunalno javno društvo.

Predsjedavajuća Aida Bašić: Hvala lijepo. Da li ima još vijećnika za diskusiju? Zaključak Komisije za statutarne pitanja, Poslovnik i propise za svaku pod tačku je isto da je utvrdila mišljenje da akt sadrži odredbe propisa koji utvrđuju usaglašenost sa Zakonom, Statutom Općine Maglaj a koji ukazuju na nadležnost Općinskog vijeća Maglaj da navedeni akt razmatra i postupa shodno svojim nadležnostima. Znači, da vam ne čitam sve pojedinačno za svaku pod tačku je isto napisano. Evo ako nema više vijećnika za diskusiju, zaključujem raspravu te tačku 7. pod a,b,c,d,e,f, stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENi), Kenan Burić (NARIJED BH), Nesib Serhatlić (PDA), Samir Fetić, Eldin Mehinađić, Almin Smailović, Arif Mujkanović, Damir Bašić, Adin Obralić Senad Šehić, Firuz Galijašević (SDP).

Glasalo protiv: Nema.

Uzdržanih: Nema.

Predsjedavajuća Aida Bašić: Vrijeme za glasanje je isteklo, konstatujem da je 23 vijećnika glasalo za i da je tačka 7. dobila potrebnu većinu.

ZAKLJUČAK

7.1. Donosi se Odluka o davanju saglasnosti punomoćniku državnog kapitala za glasanje o prijedlogu Zaključka o prestanku mandata članovima Nadzornog odbora Komunalnog javnog društva doo Maglaj;

7.2. Donosi se Odluka o davanju saglasnosti punomoćniku državnog kapitala za glasanje o prijedlogu Odluke o odobravanju Ugovora o angažmanu predsjednika/člana Nadzornog odbora Komunalnog javnog društva doo Maglaj;

7.3. Donosi se Odluka o davanju saglasnosti punomoćniku državnog kapitala za glasanje o prijedlogu Odluke o brisanju djelatnosti Komunalnog javnog društva doo Maglaj;

7.4. Donosi se Odluka o davanju saglasnosti punomoćniku državnog kapitala za glasanje o prijedlogu Odluke o izmjeni Statuta Komunalnog javnog društva doo Maglaj;

7.5. Donosi se Odluka o davanju saglasnosti punomoćniku državnog kapitala za glasanje o prijedlogu Odluke o davanju ovlaštenja;

7.6. Donosi se Odluka o davanju ovlaštenja punomoćniku za zastupanje Općinskog vijeća Maglaj na Skupštini Komunalnog javnog društva doo Maglaj.

AD – 8: Prijedlog Rješenja o imenovanju člana Upravnog odbora Javne ustanove „Narodna apoteka“ Maglaj na kraći period

Predsjedavajuća Aida Bašić: Prelazimo na tačku 8. Prijedlog Rješenja o imenovanju člana Upravnog odbora Javne ustanove „Narodna apoteka“ Maglaj na kraći period. Da li je potreban uvodničar? Nije, otvaram raspravu, da li se neko javlja. Imamo gosta, javljate se za riječ izvolite.

Majda Mehić: Eh ovako, ja bih prvo da sve pozdravim i da se predstavim. Ja sam Majda Mehić, magistar farmacije koji u Narodnoj apoteci radi već 9 godina i predsjednik sam Stručnog vijeća javne ustanove. Stoga, vam se u toj formi i obraćam. Na početku bih istakla da Stručno vijeće koje čine svi zaposleni u ustanovi pozdravlja želju osnivača da u Upravni odbor dođe čovjek iz naše struke, znači farmaceut jer ko će bolje razumjeti poslovanje, međutim ono što nas brine je činjenica da kolegica koja se, koju namjeravate imenovati je kolegica koja radi u apoteci preko puta naše direktno i samim time nam predstavlja direktnu konkurenciju. Radom u Upravnom odboru naše apoteke ona dobija na uvid i kontrolu kompletnu dokumentaciju apoteke, samim time i Ugovore sa dobavljačima koji su do detalja isplanirani za svaku apoteku i jako specifični. Malo imam tremu izvinite, nisam navikla ovako javno govoriti. Kolegica u svojoj apoteci radi sa istim dobavljačima jer to je manje-više za ovu regiju za ovaj teren su isti dobavljači i informacije iz ugovora za našu apoteku se opet mogu izmijeniti i zloupotrijebiti za vlastitu korist, što je po definiciji Zakona o ministarskim i vladinim i drugim imenovanjima FBiH doslovno definicija sukoba interesa. Drugo nerijetko se na Upravnom odboru rješavaju neki interni problemi ustanove što nas opet dalje dovodi u novi problem što se može iskoristiti opet u vlastitoj praksi. Također, bih voljela da vam još jednom ponovim mada ja vjerujem da većina zna pošto ste pravnici i baratate time, sukob interesa predstavlja situaciju u kojoj lice predloženo za imenovanje skladu sa odredbama ovog zakona ima privatni interes u reguliranom organu u koji se predlaže da bude imenovan a što može imati uticaja na zakonitost, javnost, objektivnost i nepristrasnost u vršenju njegove funkcije u reguliranom organu. Znači, sve pobrojane stavke kolegica ispunjava jer ona u svojoj apoteci zarađuje platu kao što i mi zarađujemo u svojoj. Znači, JU Narodna apoteka Maglaj je 100 % samofinansirajuća ustanova, što znači da sve troškove naše ustanove snosimo mi radnici, odnosno svojim radom nadomirujemo. Podjsećanja radi u zakonu valjda radi toga i stoje pojmovi poput sukoba interesa, pa i zabrana konkurencije da ja ne ulazim puno u to. Samo da vam napomenem još jednom da smo mi poprilično mlad kolektiv sa mladim porodicama koji je cilj da ostanemo u ovoj opštini i da na taj način unaprijedimo i apoteku i da je prilagodimo modernom vremenu a nisam baš sigurna ako u Upravnom odboru bude sjedio neko ko nam predstavlja direktnu konkurenciju to možemo podstići. Hvala vam što ste me saslušali drhtavim glasom, nadam se da ćete odluku malo uzeti u razmatranje.

Predsjedavajuća Aida Bašić: Hvala lijepo, dopis od strane vaše direktorice vezano za navedeno je došao na adresu Općinskog vijeća i također taj isti dopis je upućen na adresu Ministarstva zdravstva ZDK. Vaša direktorica je dobila i odgovor, ali zbog javnosti svakako predsjednica komisije koja je provodila postupak i proceduru imenovanja članova Upravnih odbora je bila gospođa Azra Čakrama, koja je danas naravno sa nama i ja bih je pozvala da još jednom evo za govornicom kaže ono što je i napisano u samom dopisu koji je upućen direktorici Narodne apoteke.

Azra Čakrama: Danas na Dnevnom redu, općinski vijećnici se očituju o davanju ili ne davanju saglasnosti na predloženog člana iz Kantonalnog ministarstva zdravstva za rad u upravljačkoj strukturi naše JU Narodna apoteka Maglaj, međutim trećeg člana po vlastitim procedurama bira kantonalno ministarstvo zdravstva ZDK koje je kandidovalo na kraći vremenski period magistru Azra Brka i za istu zatražilo suglasnost. Protivljenje rukovodne strukture direktora ustanove na imenovanja a koja su pisanim putem i dostavili u aktu od 16.10. Općinskom vijeću nije od uticaja za konačna imenovanja upravljačke strukture. Naime, dosadašnja praksa nije zabilježila da u određenim ustanovama za konačna imenovanja u upravljačku strukturu to jeste Upravne odbore se treba očitovati direktor ustanove i odabrati po vlastitom nahođenju sastav članova Upravnog odbora. Za isto postoji zakonom propisane procedure. U konkrentom slučaju mi smo poučili da za

osnivača u Općini Maglaj se očituju vijećnici javnim glasanjem na samoj sjednici Općinskog vijeća. To smo i uradili za ono što jeste bio naš zadatak na nemoj od proteklih sjednica ako ne i protekloj za dva člana koje smo birali sa liste uspješnih kandidata u ličnostima doktora Armina Kalabića ispred reda osnivača i vas gospodu Majdu Mehić iz reda zaposlenih kandidiranih radnika po javnom oglasu. Tačni su znači navodi da je Ministarstvo predložilo kandidatkinju međutim bez znanja osnivača upućen je dopis, odnosno prigovor nadležnom Ministarstvu zdravstva ZDK postupajući po vlastitim prosudbama iako kandidatkinja koju predlaže resorno ministarstvo nije član uprave konkurentske apoteke, niti ima svoj osnivački udjel u istoj, pa čak nije niti ovlaštena da vodi poslovnu jedinicu. Radila je po Žepču, Usori, Tešnju, sada je u Maglaju kao običan zaposlenik. Dakle, radi se o zaposleniku apoteke te naravno da će magistar farmacije raditi u apoteci a ne u nekom drugom kolektivu npr. papir mašina 2 u Natroju, prosto je neprihvatljivo. Kako navodite i kako su navodili izrazito negodovanje i osjećaj nesigurnosti zaposlenih radnika naše ustanove u kojoj ujedno su i kolege po struci predložene kandidatkinje za budući rad i postovanje ističemo da je nesigurnost i nezadovoljstvo tih zaposlenika primjećeno je i kod ove komisije koja je otvarala a pri tome i intervjuisala kandidate. Naime, iz naše apoteke je bilo 3 kandidata za jedno mjesto Upravnog odbora iz reda zaposlenih radnika. Do sada to nismo u praksi imali obično se unutar kolektiva dogovore koji će od kandidata biti predstavnik ali komisija je to podržala, što veći broj kandidata kvalitetniji je odabir. Po objavljenom javnom oglasu za popunu upražnjenih pozicija u reguliranim tijelima. Ono što bih mogla reći vezano za zapažanja znači nerijetko ćemo se sresti u praksi da i zateći da su imenovana lica na rukovodne šefovske ili neke druge pozicije koji ne znaju i ne mogu odgovoriti zadatku za koje su postavljeni ili su iz nekih njima poznatih razloga u datom trenutku imenovanja za taj izbor bili podobni za one koji ih imenuju. Frapantno je da se uvijek iz nekih vlastitih poriva uvijek kao umješac nađe naša apoteka u postupcima koji su u svom pravilu, ne trebaju se ticati. To se tobože uvijek govori o zaštiti apoteke, radnika i interesa, stvari ću vratiti na fabričke postavke govoreći o sljedećem, Apoteka ima svog osnivača, to je Općinsko vijeće, nije privatni kolektiv. Dakle, to je vrlo važna stvar, kruta je konkurencija i borba na tržištu za svakog korisnika, za svakog kupca koje apoteke pružaju svoje usluge i treba da budu. Prioritetan zadatak je da se bore, da se plaše konkurencije, da rade i da uvijek treba da da rezultate. Naravno da će zaposleni unutar kolektiva Stručno vijeće kako je već rekla gospoda Mehić, kako se zovu pitati šta mi imamo od svog osnivača. Ne nalazimo se u Budžetu, ne finansira nas nikako. Prihodujemo vlastitim radom, potpisani ugovorima sa Zavodom itd. želim za ovom govornicom da kažem da jeste da imaju od osnivača. Osnivač je u ranijem periodu borio kroz projekte Federalnog ministarstva i razvojne vlasti za otvaranje ambulanti porodične medicine i uvijek je naša apoteka bila prva pratilja sa svojim depoiima u svim mjesnim zajednicama gdje imamo ambulante porodične medicine. Nadalje, nikada se osnivač nije miješao u finansijsko poslovanje izuzev što vi vijećnici koji predstavljate osnivača glasate za Izvještaj koji se dostavljaju iz svih ustanova i preduzeća pa samim tim i iz ove apoteke. Na način da usvajate ili ne usvajate te Izvještaje. Vidjeli smo i nismo zabilježili da ste ikada donijeli Odluku da oduzimate dobit iako ste osnivači ili je dijelite sa javnom ustanovom, nikada niste o tome diskutovali. Niste zadirali niti u materijalna, niti u finansijska poslovanja a iako ste osnivač da li imate pravo na dobi u tome se ja neću petljati, to je stvar ekonomske struke. Nikada niste o tome ni govorili, niste se tim ni bavili ali smo također vidjeli nešto kroz te Izvještaje finansijske prirode da nemamo socijalne programe koji podupiru. Ne treba osnivaču novac, ne treba osnivaču dijeliti dobit ali nismo vidjeli ni Programe koji podupire ova javna ustanova u smislu ugroženih kategorija stanovništva za dobijanje lijekova u okviru finansijskog plana. Na odvajaju se sredstva ili bar nisu prikazana, možda se odvajaju ali mi ih nismo vidjeli kroz Izvještaje za te kategorije u lokalnoj zajednici. Na društvenim mrežama ćemo vidjeti da daje se zaista na poček i da se uuvijek nađe jedan humanitarni čovjek odnosno humanitarac koji sve to zatvori, izmiri itd. Znači, pisanjem institucija vlasti kao što je kanton kao umješac nije dobro kako za reputaciju ustanove, tako ni za

lični kredibilitet svih njenih zaposlenih. Grubi atak na ličnosti koje se kandiduju ako su iste struke nije također pohvalno. Znači, ne vidim smetnju da osoba magistar po farmaciji treba da služi na čast i zadovoljstvo da pruži doprinos lokalnoj zajednici da učestvuje jednom mjesečno. Ona ne ulazi u radni odnos, da ima uvid u svaki dokument. Također u podnesku koji je došao na osnivača Kolegij to zna, predsjednici klubova političkih partija znaju da je došao taj dokument, pozivaju se na odavanje službenih tajni, ne znam ni ja svega šta ne. Također nije ok, mi smo uvijek imali svog predstavnika osnivača u upravljačkoj strukturi apoteke i nisam zabilježila a dugo sam u organima uprave od prestanka ratnih dejstava do danas, radim za državu. Znači, nisam primjetila ni da je usvoje Pravilnik o službenim tajnama o proglašenju koja su dokumenta unutar jedne ustanove službena tajna od strane Upravnog odbora da bi se mogli plašiti da će izaći neki krucijalan dokument. To je upravljačka struktura, mi smo odabrali svoje, mi smo uradili svoj zadatak, znači na nama nije da diskvalifikujemo niti da pohvaljujemo kandidate za popunu upravljačke strukture od strane kantonalnog ministarstva ali oni pomažu. Mislim da bi naša apoteka trebala da radi inovativne stvari, da bude konkurentna na tržištu i da se ne boji jednog člana Upravnog odbora. Ne postoji strah, ne postoji panika da bi jedna gospođa iste struke radila u upravljačkoj strukturi i bila imenovana. Evo, možda nismo ni primjetili na kraći vremenski period, da li će to konačno imenovanje biti u ličnosti iste, mi zaista ne znamo, otvoren je javni oglas. Koliko je konkurenata gore ne znam ali smatram da ne dostaje komunikacije između osnivača i rukovodne strukture sa apotekom. To se treba poboljšati, ne treba pisati i biti uvijek umješač u nekim procedurama, mi smo zamalo u ranijoj vlasti, izvršnoj vlasti imali također problem gdje smo mrka nam se kapa pisala gdje smo zamalo izbjegli tužbu za velike štete vezane za neka otvaranja i depoe ne bih sada o tome. Znači, uvijek se u nešto miješamo, hajmo pustiti da idu stvari svojim tokom, hajmo biti inovativni, za apoteku govorim da budemo u socijalnim programima, da pomazemo stanovništvu koji ne mogu da kupe lijekove, da dobit koju ostvarujemo na jedan humanitarni način pomognemo tim kategorijama. Da uvedemo pos kasu koju nema naša javna ustanova, time gubi aposlutno svi radimo na kartice i živimo na kartice i naravno da trebaju biti konkurentni. Osnivač ih je podržao, on im vjeruje, očekuje rješavanja unutrašnjih poteškoća mislim da se radi o unutrašnjim poteškoćama i konačno trebamo postaviti stvari na svoje mjesto. Glavu gore, idemo dalje i to je stvar Kantonalnog ministarstva, Općinsko vijeće treba se očitovati da li daje suglasnost ili ne daje. Mi smo svoj radni zadatak obavili korektno i časno i mislim da nema uopće potrebe za ovakvim diskusijama i u budućem periodu zaista neću se očitovati na ovakve stvari jer mislim da nemaju apsolutno nikakvog cilja niti smisla. Znači, glavu gore involvirajte se. Radite, konkurentni budite, budite na tržištu i opravdajte u konačnici svoje postojanje, hvala.

Predsjedavajuća Aida Bžšić: Hvala Azra. Detaljan i iscrpan odgovor. Pa evo ne postoji ta vrsta replike ali evo ne trebaju mi Senade Vaše dopune šta trebam raditi, ja ću svakako gospođi Mehić dati riječ da vam se obrati. Nemojte smatrati da ćete biti uskraćeni nikad dok god ja vodim sjednice uvijek ćete imati svoja prava. Nema potrebe za vašim dobacivanjem.

Majda Mehić: Ja ću opet drhtavim glasom obratiti na par stvari koje su stvarno meni loše zazvučale. Znači, evo krenut ću od kraja, prvo pos aparat vjerovali ili ne imamo od nove godine, znači ne posjećujete nas baš redovno. Tako da je kartično plaćanje omogućeno. Hvala. Dalje, što ste govorili da se mi radnici nismo mogli usuglasiti koga ćemo poslati ispred radnika za Upravni odbor, 2021. godine čini mi se kada je kolega Semir izabran u Upravni odbor tada se bodrila konkurencija. Petoro se prijavilo ispred apoteke i to je čak pohvaljeno što imamo želju da učestvujemo u poslovanju svoje firme a ne kudilo. Što se tiče donacija i pomoći našem stanovništvu mi smo kao apoteka uvijek njegovali taj neki sistem zatvorenosti da mi pomazemo osoba za koje provjereno znamo da su u nekim problemima. Kod nas se nisu donatori pojavljivali i razduživali račune, mi na taj način ne funkcionišemo ali možete slobodno češće navratiti u apoteku, sjesti i propratit naš rad da vidite kako se ustvari tiho i nenametljivo pomaže stanovništvu koje je svakodnevno kod nas. Moram reći da me je to baš dotaklo. Dalje, što se tiče pismenog

obraćanja direktorice, morate biti svjesni da mi kao radnici ne možemo baš pratiti svaki korak nečiji. Ja sam ovdje došla skupa sa kolegama ispred radnika, ispred onoga što mi znamo. Znači, mi smo primjetili kao zaposlenici da nam imenovanje kolegice što kažete po farmaceutskoj struci gdje će raditi do li u apoteci, može se raditi i u biohemijskoj laboratoriji, može se raditi i u farmaceutskoj kući. Znači, dosta je šire naše zvanje od apotekarstva koje je jedna grana kojom se mi odlučimo baviti. Ja ne vezem ovdje ime i prezime uz lik koji se nama daje u Upravni odbor. Ja samo vezujem to da je kolegica iz konkurentne apoteke. Znači, u zakonu kojem sam već spomenula velikim je slovima sukob interesa. Ja ću to još jednom reći, vama na volju a mi ćemo dalje je li kako bude išlo svojim tokom. Hvala.

Predsjedavajuća Aida Bašić: Hvala Vam lijepo. Da pročitam zaključak Komisije za izbor i imenovanje, komisija je konstatovala da je ispoštovana procedura po kojoj se vrši izbor i imenovanje, te predlaže Općinskom vijeću da donese Rješenje kojim se Azra Brka imenuje na dužnost člana Upravnog odbora JU Narodna apoteka Maglaj na kraći period. također Statutarna komisija, komisija je nakon razmatranja Prijedloga Rješenja o imenovanju člana Upravnog odbora JU Narodna apoteka Maglaj na kraći period utvrdila mišljenje da akt sadrži odrebe propisa i potvrđuje usaglašenost sa zakonom, Statutom Općine Maglaj koji ukazuje na nadležnost Općinskog vijeća Maglja da navedeni akt razmatra i postupa shodno svojim nadležnostima. Evo na zahtjev Kluba SDP-a pauza, izvolite. Možemo nastaviti dalje, da li Klub SDP-a želi iznijeti neko mišljenje, izvolite.

Vijećnik Adin Obralić: Zahvaljujem predsjedavajuća, mi ćemo ovako kratko s obzirom na ovo izlaganje od strane pravobranioaca i magistre farmacije koja je i kao uposlenik a i član Upravnog odbora javne ustanove iznijela vrlo jasno u dva navrata svoj mišljenje, odnosno mišljenje i kao uposlenik i kao član Upravnog odbora da se radi o sumnji na sukob interesa a naša dužnost je da štitimo interese javnih ustanova, mi kao Klub vijećnika SDP-a nećemo podržati ovaj Prijedlog Odluke, hvala.

Predsjedavajuća Aida Bašić: Hvala lijepo. Da li ima još vijećnika za diskusiju? Pauza na zahtjev Kluba SDA. Možemo nakon pauze nastaviti, tačka 8. zaključila sam raspravu te Prijedlog Rješenja o imenovanju člana Upravnog odbora Javne ustanove „Narodna apoteka“ Maglaj na kraći period stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENi), Nesib Serhatlić (PDA).

Glasalo protiv: Samir Fetić, Eldin Mehinagić, Almin Smailović, Arif Mujkanović, Damir Bašić, Adin Obralić Senad Šehić, Firuz Galijašević (SDP), Kenan Burić (NAKIJED BH).

Uzdržanih: Nema.

Predsjedavajuća Aida Bašić: Vrijeme za glasanje je isteklo. 14 vijećnika je glasalo za, 9 vijećnika bilo protiv. Konstatujem da je tačka 8 dobila potrebnu većinu.

ZAKLJUČAK

8.1. Donosi se Rješenje o imenovanju člana Upravnog odbora Javne ustanove „Narodna apoteka“ Maglaj na kraći period, kojim se Azra Brka imenuje za člana Upravnog odbora Javne ustanove „Narodna apoteka“ Maglaj na kraći period.

AD – 9: Prijedlog Rješenja o razrješenju člana Komisije za zaštitu kulturno historijskog i privrednog naslijeđa i turizam

Predsjedavajuća Aida Bašić: Prelazimo na tačku 9. Prijedlog Rješenja o razrješenju člana Komisije za zaštitu kulturno historijskog i privrednog naslijeđa i turizam. Da li je potreban uvodničar? Razrješenje člana Amina Hasanić se razrješava dužnosti člana komisije. Otvaram raspravu, da li se neko javlja za riječ? Ne javlja, zatvaram raspravu i tačku stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Kenan Burić (NARIJED BH).

Glasalo protiv: Nema.

Uzdržanih: Samir Fetić, Eldin Mehinagić, Almin Smailović, Arif Mujkanović, Damir Bašić, Adin Obralić Senad Šehić

Predsjedavajuća Aida Bašić: Vrijeme za glasanje je isteklo. Uvažavajući vijećnika Musića 15 za, 8 uzdržanih. Zbog tehničkih problema vijećnik Musić nije mogao glasati putem uređaja za glasanje. Tačka 9 je dobila potrebnu većinu.

ZAKLJUČAK

9.1. Donosi se Rješenje o razrješenju člana Komisije za zaštitu kulturno historijskog i privrednog naslijeđa i turizam, kojim se Amina Hasanić razrješava dužnosti člana Komisije za zaštitu kulturno historijskog i privrednog naslijeđa i turizam.

AD-10: Prijedlog Rješenja o imenovanju člana Komisije za zaštitu kulturno historijskog i privrednog naslijeđa i turizam

Predsjedavajuća Aida Bašić: Prelazimo na tačku 10. Prijedlog Rješenja o imenovanju člana Komisije za zaštitu kulturno historijskog i privrednog naslijeđa i turizam. Otvaram raspravu. Da li se neko javlja za riječ. Sakiba Redžić se imenuje za člana komisije. Niko se ne javlja za diskusiju. zatvaram raspravu, te tačku 10 stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Kenan Burić (NARIJED BH).

Glasalo protiv: Nema.

Uzdržanih: Samir Fetić, Eldin Mehinagić, Almin Smailović, Arif Mujkanović, Damir Bašić, Adin Obralić Senad Šehić

Predsjedavajuća Aida Bašić: Vrijeme za glasanje je isteklo. Putem uređaja za je glasalo 14 vijećnika i vijećnik Musić ponovo nije mogao glasati zbog tehničkih problema ali je glasao za, što znači 15 vijećnika za i 8 je uzdržanih. Točka 10 je dobila potrebnu većinu.

ZAKLJUČAK

10.1. Donosi se Rješenje o imenovanju člana Komisije za zaštitu kulturno historijskog i privrednog naslijeđa i turizam, kojim se Sakiba Redžić imenuje za člana Komisije za zaštitu kulturno historijskog i privrednog naslijeđa i turizam.

AD-11: Program rada Javne ustanove „Dječiji vrtić Maglaj za 2025/2026. godinu

Predsjedavajuća Aida Bašić: Prelazimo na tačku 11. a to je Program rada Javne ustanove „Dječiji vrtić Maglaj za 2025/2026. godinu. Direktorica nije prisutna a poziv je upućen. Što se tiče

uvodnog dijela ne znam, ne može nam niko to naravno odraditi, obzirom da direktorica nije prisutna. Otvaram raspravu. Vijećnik Damir se javio za riječ.

Vijećnik Damir Bašić: Pozdravljam sve prisutne, nije tačno da je direktorica dobila poziv, direktorica nije dobila poziv, samo je Upravni odbor dobio poziv.

Predsjedavajuća Aida Bašić: Hvala lijepo, Elza molim te obzirom da ti upućuješ pozive izadi za govornicu i kaži da li je upućen.

Elza Gračić Skejić: Sve vas selamim i pozdravlja. S obzirom, da sam ja ta koja šalje pozive nakon što se utvrdi Dnevni red, poslano je i ustanovi i Upravnom odboru.

Predsjedavajuća Aida Bašić: Hvala lijepo. Otvaram raspravu, da li se neko javlja za diskusiju. Ukoliko ne javlja, zatvaram raspravu, prije glasanja pauza na zahtjev Kluba SDA. Nastavljamo dalje, tačka 11. diskusija je zaključena. Tačku stavljam na glasanje.

Glasalo za: Samir Fetić, Eldin Mehinagić, Almin Smailović, Arif Mujkanović, Damir Bašić, Adin Obralić Senad Šehić.

Glasalo protiv: Nema.

Uzdržanih: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusur, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENI), Nesib Serhatlić (PDA), Kenan Burić (NARIJED BH).

Predsjedavajuća Aida Bašić: Glasanje je završeno. 14 vijećnika je putem uređaja glasalo kao suzdržani i Amer je glasao također da je suzdržan. To je 15, 8 vijećnika je glasalo za. Konstatujem da Program rada JU Dječiji vrtić Maglaj za 2025/2026. godinu nije dobio potrebnu većinu.

ZAKLJUČAK

11.1. Ne usvaja se Program rada Javne ustanove „Dječiji vrtić Maglaj za 2025/2026. godinu.

AD-12: Informacija o radu privatnih predškolskih ustanova za 2024/2025. godinu koje se sufinansiraju iz Budžeta Općine Maglaj sa programom rada za 2025/2026. godinu

Predsjedavajuća Aida Bašić: Prelazimo na tačku 12. a to je Informacija o radu privatnih predškolskih ustanova za 2024/2025. godinu koje se sufinansiraju iz Budžeta Općine Maglaj sa programom rada za 2025/2026. godinu. Kao što i vi možete vidjeti nemamo predstavnika privatnih predškolskih ustanova danas na sjednici Općinskog vijeća iako smo i njih naravno uredno pozvali. Ispred Općinskog vijeća svakako smatram da nije uredu što se nisu odazvali današnjoj sjednici jer time pokazuju i nepoštovanje prema Općinskom vijeću Maglaj koje bez obzira u proteklom periodu itekako je pokazalo jednu prema njima podršku i propratilo je njihov rad i sve ono što smo mogli uradili smo i mislim da smo uradili neke pozitivne korake koji su doprinjeli njihovom lakšem i sigurno boljem radu. Otvaram raspravu, da li se neko javlja za riječ, ne javlja, zatvaram raspravu i obzirom da se radi o Informaciji konstatujem da informaciju primamo k znanju.

ZAKLJUČAK

12.1. Prima se k znanju Informacija o radu privatnih predškolskih ustanova za 2024/2025. godinu koje se sufinansiraju iz Budžeta Općine Maglaj sa programom rada za 2025/2026. godinu.

AD-13: Informacija o stanju sporta i sportskih terena na području općine Maglaj

Predsjedavajuća Aida Bašić: Tačka 13. Informacija o stanju sporta i sportskih terena na području općine Maglaj. Otvaram raspravu, da li se neko od vijećnik javlja za riječ. Vijećnik Mešić izvolite, zatim vijećnik Ridžal.

Vijećnik Mirza Mešić: Evo ovako ja ću kratko pošto vidim u ovom dopisu koji je Općina Maglaj poslala većinom su se odazvali svi klubovi, odnosno sportski kolektivi koji egzistiraju na području općine Maglaj, jedino ovdje vidimo da se nije odazvao Nogometni klub Novi Šeher. Ono što bih želio samo kratko da napomenem da je problem kod svih većinom isti u pitanju je infrastruktura. Vidjeli smo kada je u pitanju sportska dvorana, što je upravnik dvorane gospodin Damir Bašić i gospođa Šida su jasno naveli probleme s kojima se susreću kada je u pitanju sportska dvorana. Također, to smo vidjeli u jednom dijelu kada je svoj Izvještaj podnosio odbojkaški klub Maglaj kada je naveo istu problematiku kada je u pitanju zagrijavanje i te određene stvari. Svi mi znamo da je dvorana renovirana poslije poplave ali evo za veoma kratak period susreću se ponovo sa istim problemima, prokišnjavanja, grijanje, ventilacija, mokri čvorovi. Mislim da bi se trebali svi da uključimo da taj problem pokušamo riješiti. Vidjeli smo da je Košarkaški klub i Rukometni klub putem određenih projekata su investirali u određene dijelove u dvoranu, također možda bi dobro bilo ukoliko pošto tamo u jednom dijelu od Izvještaja Doma kulture stoji da ne može Dom kulture da aplicira određene, bilo bi dobro da se pokuša ostvariti saradnja sa drugim udruženjima, da i oni apliciraju u ime dvorane za određene projekte na višim nivoima vlasti. Vidjeli smo da su svi nabrojili većinom koliko imaju učesnika i za pohvalu je svim imaju 70 i više djece što je veoma dobro da se djeca znači bave sportom u današnje vrijeme, svi znamo da su vezani za novu tehnologiju, telefone, tablete, računare itd. Kada pogledate samu djecu, njihovu fizionomiju jasno je da je to veoma dobro i treba da damo maksimalnu podršku mi kao vijećnici svim sportskim kolektivima koliko god smo u mogućnosti. Ja ću se bazirati pomenut ću također Nogometni klub Natron što je za svaku pohvalu što su pokrenuli izgradnju pomoćnog terena sa umjetnom travom koji se može koristiti i u zimskim uslovima. To je znači, maksimalnu pohvalu ne znači samo za Natron, nego za sve klubove na našoj općini a i šire. To je jedna vidjet ćete u budućnosti izvor finansijskih sredstava i omogućit će bolji rad kluba, ne samo Natrona nego i drugih klubova. Također ću se dovezati tamo vidjeli smo da su svi klubovi stavili da nisu vlasnici infrastrukturnih objekata međutim imam jednu opasku kada je pitanju klub iz zajednice iz koje ja dolazim iz Kosove, naveli su da su oni vlasnici stadiona, ne znam i te svlačionice, međutim svi znamo da vlasnik nije klub, nego mjesna zajednica, pa bih volio ako mogu da mi odgovore nama, kada ovo dobiju da odgovore meni ili svima nama da li su vlasnici zaista ostali, možda može i Adis Abdurahmanović odgovoriti u ime mjesne zajednice i u klubu je jesu li ili nisu. Ono što bih volio kada je u pitanju taj klub i ta moja zajednica znam da je pokrenuta inicijativa povratka imovine od čovjeka koji je kupio pa je pod navodnicima trebao ulagati ali nije, svi znamo da nije ulagao u infrastrukturu, da se konačno ide malo ozbiljnije ka rješenju tog problema odnosno povratku imovine od tog fizičkog lica u vlasništvu mjesne zajednice, da bi mogli svi zajedno da radimo infrastrukturne projekte od svlačionica, tribina itd. što je potrebno za funkcionisanje jendog normalnog kluba u jednoj zajednici. Ja se nadam da će se u ovo pitanje uključiti i šef službe Faris Habibović, Općinski načelnik koliko smo upućeni već se maksimalno involvirao i također pravobranilac i mjesna zajednica je također uključena već odavno da se to riješi. To je par stvari koje sam imao da kažem. Hvala.

Predsjedavajuća Aida Bašić: Hvala lijepo, vijećnik Ridžal izvolite.

Vijećnik Alen Ridžal: Koristim priliku da vas sve srdačno pozdravim i poselamim. Pa i ja bih isto ovdje prokomentarisao malo Informaciju o stanju sportske dvorane u Maglaju, apsolutno se slažem sa svima ono što je rekao kolega Mešić i kako je navedeno u materijalu u stanju sportske dvorane. Znači, imamo problem na ulazu u sportsku dvoranu znači svako od vas ko je posjećivao znači, neku utakmicu da li dječiju ili seniorsku bilo kog dvoranskog sporta, na ulazu u dvoranu osjeća se nepodnošljiv miris. Znači, to bi trebalo pogledati zašto se to ne održava. Također, svlačionice u svlačionicama mokri čvorovi, vrata ne mogu biti otvorena koliko je prisustvo neprijatnog mirisa. Imamo problem isto prijavog parketa, da li je to što niko na ulazu u sportsku dvoranu ne provjerava da li korisnici srednjih i osnovnih škola da li koriste odgovarajuću opremu, odnosno

patike, da li koriste patike u kojima dođu ili imaju posebne patike za treniranje, također ulazak u dvoranu ne na službeni ulaz nego preko terena znači osoba za vrijeme održavanja sportskih utakmica što doprinosi oštećenju parketa. Imamo još neuredne tuševe, odnosno stanje koje se zatiče tamo. Ja to mogu govoriti jer ja sam tamo svaki dan, znači pet dana u sedmici. Znači, treba poraditi na tome da se vodi više računa o higijeni kompletne dvorane. Još bih htio da iznesem odnosno ispred kluba vijećnika da se zahvalim gospodinu Aldinu Zukiću, predsjedniku Udruženja Kutak sreće koji će dobiti sredstva u iznosu od 118.000 maraka koje je njegovo udruženje dobili u kapitalnim transferima neprofitnim organizacijama suginansiranje projekata u oblasti socijalne zaštite uložiti u uređenje prostorije dvorane, odnosno tačnije bivše prostorije Winner kluba koji je površine ispred navedenog poslovnog prostora. Znači, što će doprinjeti ljepšem i boljem stanju naše sportske dvorane. Hvala.

Predsjedavajuća Aida Bašić: Hvala lijepo. Vijećnik Burić izvolite.

Vijećnik Kenan Burić: Sve vas srdačno pozdravljam, ja neću puno pričati, kolege su većinom rekle sve. Što se tiče same infrastrukture, ne samo dvorane, nego u stadiona gdje igra Natron, mislim da to ima prostora na uređenju još. Imali smo priliku ugostiti reprezentaciju Bahreina, što je jedna velika stvar na naš grad kao i za hotel gdje gospodin Nesib drži. Znači, privukli smo neke ljude da dođu, da vide, da treniraju, sama infrastruktura zahtijeva ulaganje da privučemo još takvih kolektiva da dođu, da vide, da nas pohvale. Znači, da razvijamo općinu na osnovu toga. Sportski klubovi su veliki ambasadori svakog grada i mislim da je ovo jedan početak da bi trebali ulaganjem u dvoranu možda sutra privući reprezentaciju košarke, rukometa, odbojke evo imamo sad finale ovih kupova ženske i muške selekcije. Znači, radimo na tome da privučemo što više sportskih kolektiva koji bi sutra održavali ovdje pripreme. Znači, svi bi profitirali od Općine pa do same turističke agencije našeg grada da neko vidi i posjeti naš grad. Mislim evo još jedna stvar koja se ne tiče sportskih klubova ali bi lijepo bilo da se teren zeleni kod Pave osnovne škole krene uređivati jer je stvarno u katastrofalnom stanju a vidjeli smo da djeca dole i danas dan dolaze i igraju fudbala, rukometa, kojekakve sportove kao i poligon kod osnovne škole Maglaj mislim da bi se trebao urediti da li za košarkaške terene rekreativce starije koji ljeti izlaze na terene da bi igrali odbojku ili čak napraviti jedan teniski teren u sklopu i košarkaškoš terena gdje bi privukli stvarno dosta ljudi, pa možda čak u nekom periodu i naplaćivati taj teniski teren. Sada imate u Tešnju kod sportske dvorane dva teniška terena koji se naplaćuju. Znači, mogli bi napuniti budžet tim.

Predsjedavajuća Aida Bašić: Hvala lijepo. Vijećnik Eldin izvolite.

Vijećnik Eldin Pehrat: Vezano za Nogometni klub Novi Šeher, naš sekretar iz tehničkih razloga dakle je zakasnio čini mi se dan ili dva da preda ovaj Izvještaj na protokol. Mislim da se taj Izvještaj nalazi u Općini. S obzirom, da se radi o Informaciji ako postoji mogućnost ja bih zamolio da se to ipak dostavi vijećnici evo čisto da imaju kao informaciju.

Predsjedavajuća Aida Bašić: Hvala lijepo. Vijećnik Mešić izvolite.

Vijećnik Mirza Mešić: Evo ja ću samo kratko kolega Burić je pomenao ambasadori. Želim ja da napomenem jednu grupu starijih ljudi koji se bave sportom, veterani. Evo imali smo skoro primjer u našoj sportskoj dvorani košarkaški klub je ugostio prijatelje iz Slovenije. Također, rukometni klub ima svoje veterane koji su ambasadori našeg grada i van BiH. Također, želim da napomenem veterani kojima ja pripadam Vis Kosova. Mi smo bili u Italiji, Republici Sloveniji, Hrvatskoj. Sada imamo u decembru u Makedoniji. Znači, svi smo mi ambasadori ali hoću da napomenem bilo bi dobro da i ova skupina ljudi se uključi u. Mislim mi svi smo involvirani svojim određenim dijelom u određene procese poboljšanja i zaduženi smo kroz svoje Statute infrastrukture svih sportskih klubova. Znači, bilo bi dobro da se pokuša jedan sastanak na tom nivou organizovati svakog dijela ko šta može da uradi za dobrobit. Samo kratko.

Predsjedavajuća Aida Bašić: Hvala lijepo. Vijećnik Abdurahmanović izvolite.

Vijećnik Adis Abdurahmanović: Zahvaljujem pa ja ću se samo dotaći i nadovezati na kolegu Mešića da ne ostane nedorečeno ili pogrešno rečeno, što se tiče materijala a tiče se NK Vis Kosova Moševac, pošto sam član Upravnog odbora istog a isto tako i član Vijeća MZ Kosova. Odmah sam reagovao u Upravnom odboru i čisto u materijalu upravu je kolega Mešić tamo stoji da je Klub vlasnik terena što je greška tehničke prirode, mjesna zajednica je vlasnik terena i tako će da ostane.

Što se tiče ovog drugog dijela izlaganja kolege Mešića, isto tako želim da naglasim da je Vijeće mjesne zajednice već pokrenulo proceduru u rješavanju imovinsko pravnih odnosa zemljišta oko stadiona. Toliko, hvala.

Predsjedavajuća Aida Bašić: Hvala lijepo. Da li ima još vijećnika za diskusiju. Vijećnik Bašić izvolite.

Vijećnik Damir Bašić: Eh hvala, ovako počeo sam od kolege Mirze Mešića, s kojim se u potpunosti slažem, također sa Kenanom Burićem se slažem i slagao sam se i prošli put kad je postavio pitanje, kada je bio Izvještaj vezan za Dom kulture, pa smo pomenuli i dvoranu. Također, slažem se s tim kritikama i morat ću vam ukratko objasniti o čemu se radi. Već sam objašnjavao na tom Izvještaju ali sad ću morati što se tiče vas dvojice morati objasniti malo detaljnije. Poslije poplave dvorana je renovirana i uloženo je blizu 900.000 maraka. U tih 900.000 maraka ja vam predlažem svima ovdje da ne otvaramo to i ne počinjemo jer meni je te dvorane bukvalno preko glave i toga šta se uradilo za 900.000 maraka i šta se moglo uraditi za 900.000 maraka. Ja sam detaljno sve te pregledao račune i šta je urađeno. Šta se moglo uraditi za 900.000 maraka, evo svi ste u sportu otprilike rekreativno se bavite. Znači šta se moglo uraditi. Da ne ulazimo bit ću malo kulturni pa neću se dotaći toga. Tačno je Mirza Mešić rekao da kao što i odbojka napisala, također poslije poplave moglo se uraditi na sanitarnim čvorovima, ja tada nisam radio u dvorani, moglo se uraditi da se napravi ne razumijem se baš nešto bog zna u građevinske radove ali moglo se napraviti vjerovatno neki sifoni i neki odvod koji ne bi dovodili u situaciju dvoranu da se osjete neugodni mirisi. Mi smo prije dvije godine svojim snagama štemali pragove da se tako izrazim i stavljali neke manje kupovali pragove kako bi mogli tu svlačionicu saprati i odvesti u odvođe što je jako teško jer dvorana je bukvalno puna ujutro od 7 do naveče do 10 sati. To znate da koriste škole do 4 sata, od 4 sata počinju rekreacije evo Mirza Mešić koristi godinama. Također, Kenan ide u teretanu, jako je teško da se uđe u dvoranu i napravi detaljno čišćenje. Dvorana se čisti svaki dan 2 puta što se tiče parketa kada je Alen spominjao, dva puta dnevno se čisti to je u 12 kad aje pauza između škola i naveče kada se završe sve aktivnosti, dvorana se očisti, to jeste parket. To su makaze s kojima se pokupi površinski hajmo reći parket. Mašinu koju mi posjedujemo za skidanje ljepila, tom mašinom treba otprilike nekih 6 sati da se parket očisti, Alen nije rekao kada je rekao da je prljav parket, nije rekao da je to od ljepila. Meni je žao što ja moram Alenu sada dosta stvari odgovoriti i otpočeti neke teme koje je on započeo a ja nisam imao u planu da to kažem. S Farisom sam razgovarao hiljadu puta, imamo odlične jako odnose i razumijemo se i uvijek sam se razumio sa svim klubovima koji su dolazili u dvoranu. Što se tiče termina u dvorani, klubovi moram naglasiti da su klubovi otprilike sami sebi određivali termine. Tako da nije jedan klub ne smije biti nezadovoljan jer je sam sebi odredio kada će trenirati. U ovim dopisima ako ste čitali, vidjeli ste da to baš i nije slučaj. Ako smo čitali Izvještaj, Informaciju sportske dvorane i vidjeli koliko Općina pokriva sati klubovima, također smo mogli vidjeti i u Izvještajima da niko nije stavio da Općina pokriva troškove klubova u jednom dijelu. U Izvještajima klubovi se dotakeli hajmo reći, nekih samo Općine i ne znam još koga. Niko nije pomenio Dom kulture i rekao da im se izlazi u susret. Svi klubovi, kunem vam se jer radim tamo 24 sata, 24 sata sam u dvorani. Svi klubovi imaju potpunu pažnju u dvorani Maglaj. Znači, nema ni jednoga kluba kojem se nije išlo u susret. Koliko god to bilo potrebno svaki klub je dobio svoju podršku. Evo i ovo sada pomenuli ste reprezentaciju Bahreina koja je dolazila kod nas. Znači, nije bilo prostora pola sata da treniraju. Kunem vam se znači svaki sam termin pomjerio, oduzeo i košarci, skinuo i čas i pomjerio rekreacije, Mirza Mešić to dobro zna da bi mogli ti ljudi trenirati tu i kako bi se moglo doprinjeti našem gradu. Evo Kenan je spomenuo hotel između ostalog i hotelu. Izlazilo se u susret maksimalno. Košarka u kolicima je skoro imala pripreme i njima se izlazilo u susret upravo da bi bili u hotelu, da bi grad osjetio od toga, nema prostora, da postoji još jedna dvorana pored one ja vam garantujem da bi i ona bila puna. Nemoguće je da mi stavimo sve zainteresovane u sportsku dvoranu da danas imaju svoje termine, nemoguće je. Da se vratim na kolegu Alenu, mislim da sam objasnio što se tiče sanitarnih čvorova da nije u našoj moći da je onaj ko je radio poslije poplave trebao da uradi na način da napravi te hajmo reći sifone, ne razumijem se jer su otvoreni to sam dobio informaciju. Otvoreni su i ta kanalizacija odozdo vraća taj neugodan miris koji dolazi u

svlačionice. Mi smo od svojih sredstava skoro uzeli maksimalno koliko smo mogli tih osvježivača da to poništimo, da se to ne dešava jer ne osjete samo ljudi koji koriste, osjetimo i mi. Što se tiče patika i djece ulazaka u dvoranu. Profesori imaju zadatak i oni svaki dan pregledaju njihove patike kada ulaze u dvoranu. Onaj koji nema izade u čarapama na parket. To je njihovo školsko pravilo. Što se tiče svlačionica i što se tiče brave, sad smo na ljeto to uradili. Zamijenili sve komplet brave, tuševe sve zamijenili, ja ne mogu svaki mjesec mijenjati ni tuševe ni brave, jer je to, ne mogu reći potrošni materijal ali se ne vodi računa o tim stvarima, počev od školaraca pa do klubova. Zašto je parket prljav Alene, ti najbolje znaš jer si u rukometu i taj parket koji je prljav, meni je žao što ja tebi moram ovo reći ali on je najviše prljav od ljepila, je li tako?

Predsjedavajuća Aida Bašić: Molim vas, evo vijećnik Bašić svakako sam Vas htjela upozoriti na vrijeme, mislim da govorite duže već od 6 minuta.

Vijećnik Damir Bašić: Izvinite molim Vas i Azra je govorila 20 minuta.

Predsjedavajuća Aida Bašić: Azra je bila i uvodničar i Azra je pojašnjavala stvari. Damire, molim Vas, možete li zato sam Vas htjela upozoriti da malo to već sumirate, krajnje je vrijeme.

Vijećnik Damir Bašić: Šta ću ja kad su postavili ljudi 20 pitanja, pa ne moram onda odgovoriti je li? Da skratim priču, ja sam donio ovdje svoje izvještaje koje pravim non stop i oni su od 01.11.2017. godine kada sam ja počeo raditi u dvorani. Tu su otprilike slike i šta je se sve radilo. Također, od klubova koji su narušavali dvoranu i kvarili izgled dvorane, imaju zabilježene a ako budete htjeli otvarati te teme, ja nisam imao zaista tu namjeru da radim. Ako želite da to otvaramo šta klubovi rade u dvorani i šta su radili ja sam spreman da sad sve otvorimo karte ovdje i da svi čuju, evo i građani.

Predsjedavajuća Aida Bašić: Hvala lijepo, vijećnik Burić izvolite.

Vijećnik Kenan Burić: Ja bih samo htio naglasiti da se obrati pažnja, evo kad smo već svi tu da radimo za dobrobit svih naših objekata. Lijepo bi bilo da upozorimo i osnovne i srednje škole jer djeca poslije izlaska sa tjelesnog odgoja, evo ja sam se par puta potrefio u svlačionicama, znači rusvaj su napravili, smeće, patike, čarape, majice, puknute kante. Otvorena vrata od vc-a, prljavo. Znači, treba obratiti pažnju na to, obratiti se osnovnim i srednjim školama, poslikat poslije svakog časa, moj prijedlog neki, znam da je to puno posla ali da se poslikaju te stvari i poslati direktorima škola. Da vide kako ti učenici ostavljaju dvoranu i da se ti učenici koji prave probleme i tako ostave za sobom počnu kažnjavati jer mislim da nikako se drugačije neće uči u tu neku, da kažem da ostavljaju svlačionice kako treba čiste, to se nikad neće desiti. Jedino kad se počne kažnjavati nešto raditi, mislim da bi se to moglo dovesti u red. Hvala.

Predsjedavajuća Aida Bašić: Replika ili? Ako želite repliku izvolite.

Vijećnik Damir Bašić: Zaboravio sam samo reći kolegi Mirzi pošto vidim da je pročitao materijal i vezano za projekte uz dužno poštovanje, svim klubovima mislim da sam dosta projekata napisao upravo i za ove klubove koji su se žalili za dvoranu, ja lično svojim rukama sam napisao projekat i koji je odobren i s kojim su prelomili svoj dug koji imaju prema dvorani.

Predsjedavajuća Aida Bašić: Hvala lijepo. Da li ima još vijećnika za diskusiju? Vijećnik Serhatlić izvolite.

Vijećnik Nesib Serhatlić: Sve vas srdačno selamim i pozdravljam. Ja nisam imao namjeru da se javljam za riječ po ovoj tački obzirom da nisam baš dobrog zdravstvenog stanja ali evo osjetio sam potrebu da neke stvari pojasnim obzirom da sam hajdi da kažemo učesnik bio iz tih nekih događaja i dešavanja iz tog vremena. Mislim da kada je u pitanju rekonstrukcija, odnosno sanacija dvorane poslije poplave, nemam tačan uvid koliko je bilo obzirom da su to donirana sredstva bila, koliko je bilo ali koliko znam akcenat se dao na rekonstrukciju parketa i urađen je novi parket ne u kompletnoj površini, nego onaj gazeći dio za igru. Smatram da je jedino što je tamo dobro urađeno u svim tim radovima je taj parket. Dobro je složen, sve je novo i imamo pohvale i od drugih klubova koji se takmiče, pogotovo u rukometu kažu da imamo na kantonu najbolji parket u dvorani. Kada je u pitanju ovo što je Damir govorio kod tih neugodnih mirisa i to je zaista upravu, međutim to se može vrlo lako riješiti sa da kažem manjim sredstvima, da li postaviti nepovratne klapne ili rekonstruisati te sifone na način da se obezbijedi jer tamo sada ne postoji spriječavanje dotoka mirisa iz kanalizacije, nemamo zaštitnog, vodenog nivoa. To se rješava znači vrlo lako, to

evo nudim se ja ako treba pomoći i sa stručne strane da se to riješi i to je. Uz mala sredstva može se napraviti jako puno. Zahvalio bih se još jednom i Damiru što je omogućio znači reprezentaciji Bahreina da se takmiči, odnosno da trenira u terminima kada je to njima odgovaralo. Time je pomoglo i hotelu i čitavom gradu i da evo bez obzira što su oni naši bili gosti, ja mogu da kažem da smo mi u hotelu što se tiče naših usluga prema tim našim gostima zaista postupili maksimalno profesionalno, sve smo im otvorili smo im sva svoja vrata, odnosno sve, odnosno koristili su sve mogućnosti one koje hotel pruža i spa centar i kuglanu i bilijar salu, sve živo, teretanu. Tako da zaista ovom prilikom neko je pomenio da stanje sporta odnosno tih terena zaista mora biti na malo većem nivou kako bi doprinjeli da taj nivo i da tim poboljšanjem uslova dovodimo ekipe, da turizam bude na nešto višem nivou nego što je trenutno i zaista imamo šta pokazati. Imamo dosta potencijala samo trebamo to malo na neki način svi pomagati i uređivati. Hvala.

Predsjedavajuća Aida Bašić: Hvala lijepo. Vijećnik Kusur izvolite.

Vijećnik Eldis Kusur: Pa uglavnom se slažem sa kolegom Serhatlićem, samo bih nešto onako dok je Damir u svojstvu tako sam shvatio, u svojstvu upravitelja dvorane, tako nam se obraćao, ne kao kao vijećnik. Samo me onako u njegovoj diskusiji znači 2014. godine uložena su ta sredstva poslije poplave. Da li je od 2014. godine do danas za 11 godina bilo šta urađeno u dvorani, ne znam, zato bih volio da imam informaciju. Drugo, da li ima to jeste Dom kulture, pošto dvorana je pri JU Dom kulture Edhem Mulabdić, da li imate jasan plan šta se u narednom periodu treba uraditi. Da li imate jednostavno napisano to šta treba da se otkloni. Ovo je dobro što je kolega Nesib Serhatlić ponudio svoje rješenje, ja mislim ima i građevinaca, ljudi koji znaju. Evo ja sam konkretno laik po tom pitanju ali ima ljudi koji znaju kako to da se otkloni. U dvoranu kao dvoranu dolazim kada su neki kulturni događaji, nekad sam eto hajmo reći igrao i fudbal u dvoranu po terminima ali zaista do danas, do 2025. godine nisam nigdje vidio neku informaciju ili neki plan aktivnosti šta se misli po tom pitanju da se rješava u dvorani, bilo bi dobro, jer ovdje nije samo riječ o dvorani, ovdje je riječ i o sportskim klubovima. Bilo bi dobro da na nekoj od narednih sjednica Vijeća dobijemo neku informaciju šta se to uradilo do sada u dvorani, šta je potrebno da se radi u dvorani, koje su potrebe, kako bi se moglo ići u nekim određenim pravcima da se otklone ovi nedostaci koji su evidentni u informacijama i izlaganjima kolega koji su rekli da je to tako. To je to.

Predsjedavajuća Aida Bašić: Hvala lijepo, vijećnik Bašić izvolite, pretpostavljam replika.

Vijećnik Damir Bašić (replika): Evo samo ću se nadovezati na kolegu Eldisa, mi smo kroz projekte, mislim evo ja sam lično kroz projekte pošto izlazim preko Federalnog ministarstva projekti već unazad godinama preko košarkaškog kluba uložili preko 50.000 maraka u dvoranu gdje je stavljeno sve na raspolaganje svim klubovima. Od teretane jedan dio tamo u teretani stoji svi klubovi i građani koriste tu opremu koju je košarkaški klub uradio kroz projekat. Tribine smo uradili u dva segmenta, također koriste se i koševi, djeca tjelesnog, košarkaški klub pomoćni koš isto, sva djeca na tjelesnom koriste. Također, smo evo nevezano za dvoranu bez ikakve traženja nečega unazad u Prvoj osnovnoj školi uradili projekat i zamijenili rasvjetu koja je bila iz tunela poslije rata donirana zamijenili u led rasvjetu. To smo mi uradili, nenadajući se da ćemo nešto dobiti zauzvrat niti smo šta dobili zauzvrat. Tako da osjećamo jednostavno odgovornost da trebamo tako da radimo. U svom dopisu smo napisali da pozivamo i ostale klubove da se uključe, da pokušaju, evo pomoći ćemo ja stojim na raspolaganju kao što sam stajao i rukomentalnom klubu i napisao im projekat, stojim na raspolaganju i ostalim klubovima da pomognemo oko tih projekata kako bi dobili novac i zajedno sačuvali dvoranu i napravili nešto bolje. Što se tiče grijanja, maloprije sam zaboravio za Mirzu Mešića i Eldisa isto šta je urađeno, šta nije i imamo idejni projekat vezano za zagrijavanje i hlađenje dvorane. Taj projekat je plaćen oko 5-6 hiljada maraka i on stoji. Neki dan je gospodin Nermin Bešliagić tražio jer je radio neki projekat da li imamo, pa smo mu poslali taj projekat. Da li je u pitanju neki projekat vezan za toplotne pumpe. Uglavnom imamo sve napisano i ovo nam je bila hajmo reći jedinstvena prilika da pošaljemo kao informaciju šta je to nama, šta to nama nedostaje i koji su nam najveći problemi u dvorani. Mi se trudimo maksimalno zaista da je i očistimo tu dvoranu, evo danas smo imali od 12 do 1 sat vremena pauze kako su koristili i ovaj rukometni klub i ovaj naš klub, to ljepilo se lijepi nevjerovatno. Sat vremena smo koristili da čistimo to ljepilo, čim nam se ukaže pola sata, sat upalimo mašine i

čistimo to ljepilo. Tako da je zaista teško to ljepilo skinuti koje na kraju krajeva sredstvo to košta malo više, tako da mnogo truda se ulaže u dvoranu. Predlažem također na Kenana Burića da se nadovežem i Mirzu da bi zaista, evo ide i budžet onaj ne bi bilo loše da stavite u budžet, da uvrstite dva ili tri nova radnika kako bi to izgledalo mnogo bolje. Eto.

Predsjedavajuća Aida Bašić: Hvala lijepo, da li ima više vijećnika za diskusiju? Šehić Senad izvolite.

Vijećnik Senad Šehić: Zahvaljujem, evo obzirom da se prvi put javljam sve vas pozdravljam, dakle ovdje pričamo o objektu koji je izgrađen 1977. godine i vjerovatno u to vrijeme je bio hit sportski objekat u bivšoj državi, tako da logično je kada pričamo o jednom takvom starom pa mogu slobodno reći i sa današnjeg aspekta dakle i današnjih vremena polufunkcionalnog objekta naravno da je to tamo jedan da tako kažem rupa bez dna i recimo povući ću paralelu kada pričamo o infrastrukturi recimo Komunalnog javnog društva, to vam je ista stvar, to su zastarjele infrastrukture gdje jednostavno više ne znate odakle šta curi, kapa, probija itd. tako da evo sam taj problem sa sifonima može se pripisati i samom starom takvom objektu a na kraju krajeva propuštena je prilika je li tada kad se odradilo poslije poplava kad su svi ti grubbi radovi, kada je dvorana bila demontirana u kompletu da se uradi kako treba, ako već tako ne košta koliko košta. Ja se slažem sa gospodinom Serhatlićem i ovakvi su komentari dobro došlo dakle šta možemo konkretno i konstruktivno učiniti za poboljšanje uslova, dakle slažem se tada je fokus prebačen na parket, na taj sportski segment kada je u pitanju konkretno teren ali eto znamo da je i promašaj napravljen kada je u pitanju ozvučenje. Tu imam informaciju značajna sredstva su uložena a ozvučenje ne funkcionise. Tako da ima tu još stvari koje su se mogle ispraviti tada su mogle i možda ovako je ružno reći mislim da nije bilo ne nesretne tragične poplave, pitanje je kada bi mi promijenili parket u dvorani jer sam i sam bio sportista i trenirao, igrao sam u takvoj neuslovnoj ledenoj dvorani sa propalim parketom itd. Mi smo neki dan bio sam ovo što kaže kolega Mešić učesnik ovog, jedan od organizatora ovog meča sa veteranima iz Slovenije. Oni su nam baš doslovno nakon meča pohvalili samu dvoranu, oni su ostali zatečeni mislim dolaze iz malog mjesta pa iznenađeni su uopšte ambijentom dvorane i zaista uputili su nam sve pohvale za sam ambijent kako sve izgleda, kako smo mi to tamo sve pripremili, tako da evo dobili smo i od takvih ljudi pohvale. Ja mogu slobodno reći zna Damir poslije smo ulazili u njihovu svlačionicu pa ono treba vidjeti u kakvom stanju su ljudi ostavili svlačionicu iza sebe. Valjda je to tamo neki drugi menatlitet, neki drugi svijet i ovo što kolega Damir kaže, ne mogu uposlenici u dvorani biti niti dadilje, ni pedagozi, pa da vode računa kako se alkohol ispija poslije nekih treninga i utakmica u svlačionicama i u kakvom se stanju ostavljaju svlačionice u polupopriavljenim stanjima itd. Sam sam znao zateći takve stvari, tako da to je na obraz nama svima u kakvom stanju ostavljamo nešto iza sebe i to naš odraz kulture. Dakle, slažem se mislim kao što sam u samom uvodu rekao to je objekat zastarjeo, naravno puno je problema ali rješava se kako se može u skladu sa prioritetima i raspoloživim sredstvima. Naravno da je grijanje jedan od najvećih problema ali najverovatnije zahtjeva i najveća sredstva. Tako da evo i ovo što je kolega Kušur pitao šta je urađeno poslije poplave, pa mislim da je svakom građaninu vidljivo počevši od izgleda tribina, teretane, koševa, golova, dakle sve ovo što je kolega Damir spomenuo kroz razno razne projekte šta je sve osigurano. Toliko, od mene.

Predsjedavajuća Aida Bašić: Hvala lijepo, Da li ima više vijećnika za diskusiju? Ukoliko nema šef službe Faris Habibović se javio za riječ izvolite.

Faris Habibović: Prije svega želim da vas poselamim, žao mi je što ste mi uskratili da vas ranije poselamim i pozdravim kada sam imao svoju tačku Dnevnog reda ali eto i sada je vrijeme. Dugo sam u sportu i kao igrač i kao dječak i član Upravnog odbora mnogo puta spomenutog rukometnog kluba u pozitivnom i negativnom smislu večeras. Rukomet je takav sport gdje koristimo određene preparate da bi funkcionisali, to ljepilo je takvo kakvo jeste, ne možemo bez toga. Ja se nadam da oni koji se razumiju u sport razumije o čemu se radi. Znam ja da to iziskuje i dodatna čišćenja ali eto šta je tu je, rukomet je na nekom nivou u Maglaju dugo godina dizan i ja ću se truditi kao predsjednik rukometnog kluba da to i ostane tako. Spominjali smo gostovanje Bahreinske reprezentacije u proteklom periodu, isto tako trebamo spomenuti da je ljetos su

dolazile dvije Kuvajtske ekipe, mislim da je naš grad, naša dvorana jedna lijepa sredina da možemo iskoristiti to u pozitivnom smislu, znači ja ću se truditi da i u daljem periodu dovodim, pokušavam da svojim kanalima da dovodim takve ekipe u naš grad i da u narednom periodu probamo organizovati pored međunarodnih turnira u seniorskoj kategoriji i međunarodne turnire u omladinskim selekcijama jer je u zadnje vrijeme imamo dovoljno kapaciteta i resursa za to. Nisam uzimao nikakvu kovertu kada sam dovodio i bio u pregovorima vezano za to kada su dovodene te reprezentacije Bahreina i to. To sam radio iz srca, ali nadam se da će ta praksa i u narednom periodu biti dobra. Isto tako mi imamo fudbalski teren gdje ćemo pokušati naredne godine isto dovesti određen broj fudbalskih ekipa da treniraju i svoje pripreme održe u Maglaju. Tako da ću s ekao sportski radnik truditi bez koverata da u naš grad dovodim takve ekipe. Ja se ovog puta stvarno moram zahvaliti upravniku dvorane gospodinu Bašiću koji je izašao u susret, stvarno izašao u susret i dozvolio ekipama da oni sebi određuju termine onako kako oni misle, mada i on i ja smo se složili da smo mnogo ranije u to trebali da uđemo, da mi odlučujemo o tome ali ako Bog da Damire, mislim da ćemo to uraditi. Ovaj, što se tiče mene kao rukovodioca službe mi ćemo u narednom periodu aplicirati na određene fondove, ulagat ćemo, pokušat ćemo ulagati u dvoranu i kao rukomentalni klub a i kao služba. Ja znam da je to tamo je li neka rupa bez dan gdje je od grijanja, od ovoga do onoga, mislim gospodin Šehić je to i spomenuo. Dvorana je stara ali moramo je modernizovati, lakše i jeftinije nam je to raditi nego praviti nove dvorane. Pitanje je kada ćemo mi završiti onu dole dvoranu jer ona je skupa, sa više nivoa mi moramo lobirati pare ali eto truditi ćemo se i u tom smjeru da radimo. Tako da, što se tiče sporta na teritorij općine Maglaj konkretno rukometa ja ću se potruditi svim silama da mi u Maglaj dovodimo i reprezentacije i klubove koji su atraktivni, koji su dobri i to bez koverte. Hvala.

Predsjedavajuća Aida Bašić: Hvala lijepo, vijećnik Musić se javio za riječ, izvolite.

Vijećnik Amer Musić: Ja bih samo kolege vijećnike podsjetio da i mi u Novom Šeheru imamo dvoranu, pa u budućnosti da računaju ako budu i neki gosti, ako budu prebucirani svi ostali da mogu računati i na nas u Šeheru.

Predsjedavajuća Aida Bašić: Hvala lijepo, vijećnik Bašić.

Vijećnik Damir Bašić: Kada smo već Šehera, moram napomenuti da sportska dvorana ima jako dobru pa ne mogu reći dobru, nego odličnu saradnju sa dvoranom u Šeheru. Par puta smo odlazili u Šehar, pomagali da očiste svoj parket, to jeste svoju podlogu, tako im pomagali isto i oko bine i šta god im je bilo potrebno uvijek smo na usluzi.

Predsjedavajuća Aida Bašić: Hvala lijepo. Evo ukoliko nema više vijećnika za diskusiju, Eldine izvolite.

Vijećnik Eldin Mehinagić: Ja ne znam u čijoj je nadležnosti znači prostor oko dvorane, same dvorane, mislim svi tuda prolazimo, svi smo vidjeli i trebalo bi povesti reda malo i to da se uredi kao prvi dojam ko god da dođe ja mislim da je ono kako je bilo koliko se ja sjećam prije 30 godina, da je to i dan danas tako. Krenut ću od onih saksija sa cvijeće, prilaza dvorani i tako to.

Predsjedavajuća Aida Bašić: Hvala lijepo. Vijećnik Obralić izvolite.

Vijećnik Adin Obralić: Zahvaljujem se kratko ću s obzirom da smo već iscrpili puno vremena. S obzirom, da se ova tačka zove Informacija o stanju sporta i sportskih terena ovdje je samo pričano o stanju sportskih terena nije ništa pričano o sportu. Kolege ovdje koji su u Upravnim odborima i predsjednici i svega u svim klubovima znaju kakvim se problemima susreću i kako je teško obezbjeđiti sredstva. Opština sredstva koja dadne to nisu dovoljna sredstva da se raspodjele na sve klubove, pa tako mislim da bi možda neki prijedlog bio da se napravi i do kreiranja budžeta da se napravi neka tematska sjednica samo o stanju sporta gdje će svi predstavnici klubova iznijeti svoje probleme pa da vidimo da eventualno povećamo izdvajanja za te jer evo ovdje imamo dosta koji su u sportu pa mogu potvrditi zaista s kakvim se problemima susreću. Hvala.

Predsjedavajuća Aida Bašić: Hvala lijepo. Da li ima još vijećnika za diskusiju? Ukoliko nema zatvaram raspravu i konstatujem da je Vijeće Informaciju o stanju sporta i sportskih terena na području općine Maglaj primilo k znanju.

ZAKLJUČAK

13.1. Prima se k znanju Informacija o stanju sporta i sportskih terena na području općine Maglaj.

AD-14: Informacija o statusu poslovnih zona na općini Maglaj

Predsjedavajuća Aida Bašić: Prelazimo na tačku 14. a to je Informacija o statusu poslovnih zona na općini Maglaj. Da li je potreban uvodničar? Nije, otvaram raspravu. Gospoda Hadžić se javila za riječ.

Vijećnica Aida Hadžić: Evo da vas i ja pozdravim, što se tiče ove Informacije Klub DF Maglaj inicirao je ovu tačku Dnevnog reda još prilikom izrade Programa rada Općinskog vijeća Maglaj za 2025. godinu iz više razloga. Nakon donošenja Zakona o poduzetničkoj infrastrukturi u FBiH i Pravilnika o fazama uspostave poduzetničke zone, htjeli smo da vidimo pravni i zakonski status svake poslovne zone u općini Maglaj. Konkretno gdje smo i šta nam je činiti i dalje, kakvo je stanje sa iskorištenosti poslovnih zona, gdje je interes gdje postoje problemi i kako mi kao Općinsko vijeće možemo doprinjeti da ta iskoristivost bude bolja. Treća stvar kako brže, efikasnije, marketinški djelovati u cilju promocije ovih naših poslovnih zona. U ovoj informaciji možemo vidjeti zaista puno informacija, međutim, moramo priznati da stanje nije zadovoljavajuće jer nam se investitori skoro nikako ili slabo javljaju barem u zadnje 4 godine. Šta su razlozi vjerujemo da ih ima puno. Da li je to činjenica što imamo samo 3 Odluke o osnivanju poslovnih zona a to su Misurići, Liješnica i Novi Šeher, što je kompletno zemljište u rukama privatnih i fizičkih lica. Pitanje je da li imamo elaborat o ekonomskoj opravdanosti formiranja poslovnih zona, odnosno investicione studije. Da li nam je potrebna i promocija van Maglaja i kako je činiti. Koliko mi kao lokalna vlast možemo učiniti da olakšamo rad potencijalnih investitora. Zakon je jasno propisao korake o osnivanju i upravljanju poslovnih zona kroz tri faze. Prva faza obuhvata mjere i aktivnosti na pripreme, izradi predinvesticione studije, regulisanje imovinsko pravnih odnosa, izrade studija uticaja na okoliš. Druga faza podrazumjeva planiranje finansiranja poslovnih zona te marketinški pristup a treća faza predviđa razvoj zone privlačenja investitora kroz finansijske olakšice, obrazovanje za potrebe investitora, uređenje komunalne infrastrukture. U ovom smislu morat ćemo razmisliti možda i o tematskoj sjednici o izradi Strategije razvoja poduzetništva i potuzetničkih zona u pripremama dokumentacije i planova razvoja i promocije. Moramo znati šta tačno hoćemo u narednih 5 ili 10 godina i za svaku poslovnu zonu utvrditi ciljeve, mjere i nosioce aktivnosti. Nisu nam poslovne zone u istim statusima i fazama osnivanja, pozdravljamo ove nove aktivnosti u Liješnici i Novom Šeheru i pružamo i pružit ćemo podršku u daljim aktivnostima i predstavnicima Općine i načelniku da više vremena provode pa i u inostranstvu i u što većim kontaktima znači sa drugim institucijama, privrednim komorama a sve sa ciljem promocije poslovnih zona i Maglaja u cjelini.

Predsjedavajuća Aida Bašić: Hvala lijepo. Da li ima još vijećnika za diskusiju po ovom pitanju, pročitat ću vam zaključak Komisije za privredu, prostorno uređenje, urbanizam i zaštitu okoliša. Nakon upoznavanja Komisije za privredu, prostorno uređenje, urbanizam i zaštitu okoliša sa Informacijom o statusu poslovnih zona na općini Maglaj isti su navedenu informaciju primili k znanju. Ukoliko nema više vijećnika za diskusiju, zaključujem raspravu i konstatujem da je Vijeće Informaciju o statusu poslovnih zona na općini Maglaj primilo k znanju.

ZAKLJUČAK

14.1. Prima se k znanju Informacija o statusu poslovnih zona na općini Maglaj.

AD-15: Informacija o kvalitetu zraka u općini Maglaj

Predsjedavajuća Aida Bašić: Prelazimo na tačku 15. Informacija o kvalitetu zraka u općini Maglaj. Materijal ste dobili, Anto je tu sa nama ukoliko je potreban uvodničar. Želite li uvodničara po ovom pitanju? Može, Anto izvolite.

Anto Maglica: Pozdravljam sve prisutne, ovako na inicijativu znači Kolegija Općinskog vijeća ova tačka vezana za kvalitetu zraka na općini Maglaj je stavljena na Dnevni red. Mi smo u Službi civilne zaštite u početku uzeli podatke, tražili smo znači podatke od Instituta Kemal Kapetanović iz Zenice, odnosno iz Federalne hidrometeorološkog zavoda pardon. Oni su nam poslali podatke znači četiri seta podataka vezanih za dnevne i satne koncentracije polutanata, znači onih tvari koje se nalaze u zraku i mogu biti škodljiva za ljudsko zdravlje. Isto tako smo ovu informaciju proširili na podatke iz prošle godine, 2024. godine i to opet za 3 vrste polutanata sumporni dioksid, sumpor vodik i lebdeće čestice PM 10, znači to su čestice koje su u svom sastavu imaju prašinu, pepeo, čađi itd. mogu imati i teške metale i slične sadržaje tako da se iz onih nekoliko setova podataka mogli ste vidjeti da su ti podaci varirali, zavisno od godišnjeg doba, o količini vlage u zraku, o padavinama, nadmorskoj visini itd. Da se PM 10 čestice uglavnom javljaju u zimskom periodu vjerovatno zbog loženja, znači kućnih ložišta itd. Da se SO₂, sumporni dioksid javlja u zraku u našoj općini pretpostavljaju ovi iz Instituta zbog Natrona i načina proizvodnje celuloze i papira a da su koncentracije sumpor vodika koje nas svojim mirisom upućuju na trulo jaje, javljaju povremeno u ovisnosti o režimu rada u samoj tvornici celuloze. Uglavnom te podatke ste dobili samo da vam kažem određene granične vrijednosti recimo za PM 10 to je 40 mikrograma po m³, za SO₂ je 350 mikrograma po m³, a koncentracije H₂S-a su niske tokom cijele godine, tako da tu nije bilo incidenata. Hvala za sada, ako bude kakvih pitanja.

Predsjedavajuća Aida Bašić: Hvala lijepo, otvaram raspravu, da li ima vijećnika koji se javljaju za riječ? Vijećnik Obralić izvolite.

Vijećnik Adin Obralić: Zahvaljujem predsjedavajuća još jednom, pitanje ide za obrađivača ili ko već želi, s obzirom da je ovdje u zaključku i preporukama navedeno da je kvalitet zraka u Maglaju ozbiljno narušen vrlo visokim godišnjim koncentracijama lebdećih čestica PM 10 i brojem dana sa visokih koncentracija PM 10 čestica u mjeri koji ozbiljno narušiti zdravlje ljudi. Da li na osnovu ovog zaključka možemo govoriti o prema vašem mišljenju u iskustvu kroz rad u Civilnoj zaštiti znači da li možemo govoriti da se radi o onečišćenju zraka, hvala.

Predsjedavajuća Aida Bašić: Hvala lijepo. Anto izvolite.

Anto Maglica: Svakako da se radi o onečišćenju i to velikom onečišćenju zraka ovim lebdećim PM 10 česticama jer ovdje ste mogli vidjeti u ovom materijalu da je u 69 slučajeva u ovoj godini došlo do značajnog prekoračenja koncentracije PM 10 čestica u zraku. To uglavnom u ovom jesenjem zima do proljeće periodu. Znači, kada se u zraku nalaze ti polutanti koji nastaju kao posljedica izgaranja da li drveta, da li ugljena, najčešće ugljena da li se tu radi o čađi, o pepelu, o prašini ili se radi o nekim stvarima koje nam dođu visokim strujanjima. Imali smo slučaj da nam je dolazio pjesak iz Sahare, sa južnim visokim strujanjima. Znači, ovdje se radi o prilično ozbiljnom zagađenju sa PM 10 česticama. Zahvaljujem.

Predsjedavajuća Aida Bašić: Hvala lijepo. Da li se još neko javlja za riječ. Vijećnica Hadžić izvolite.

Vijećnica Aida Hadžić: Mi iz DF-a svjesni smo dugogodišnjeg i višedecenijskog problema zagađenosti zraka u Maglaju koji sasvim sigurno uzrokuje mnoge zdravstvene probleme, bolesti, uključujući i one najteže. Zaista spadamo u opštinu koja ima veliki broj oboljelih od malignih oboljenja ali opet ne možemo bez neke značajne ozbiljnije analize tvrditi šta je uzrok tih oboljenja ali činjenica stoji da je jako puno imamo oboljelih. Potreban nam je sistematski sveobuhvatan pristup ovom problemu, zati i sagledavamo ovaj problem sa više aspekata. Stanje i potrebne mjere za eliminisanje zagađenosti zraka, industrijskih postrojenja koji djeluju u Maglaju sa akcentom na emisije čestica iz kompanije Natron ali i drugih postrojenja. Stanje i potrebe mjera za eliminisanje zagađenosti zraka iz tzv malih i srednjih ložišta, stanje i potrebne mjere u pogledu usklađenosti

prostorno planske dokumentacije i politike uređenja zelenih površina, drvoreda, prirodnih područja u Maglaju. Konkretno upravne mjere i mjere nadzora od strane organa državne uprave, mjere prevencije, uzbunjivanje i postupanja u postupku prekomjerne zagađenosti zraka. Zdravlje naših građana i naravno je na prvom mjestu, smatramo i pohvaljujemo ovu poboljšanu saradnju menadžmenta Natrona i Općine Maglaj i moramo biti znači otvoreni prema građanima u smislu informiranja a to i jeste prvi korak ka rješavanju ovakvih problema. Klub DF-a podržava a uvjereni smo da to osjećaju i većina vijećnika kao i načelnik realizaciju projekta zamjene postojećih kućnih ložišta ekološki prihvatljivim sirovinama koje vodi Federalno ministarstvo za okoliš zajedno sa resornim kantonalnim ministarstvom. Često se dešava da građani a i neka privredna preduzeća u zimskom periodu odnosno periodu grejne sezone koriste i teksil i gumu i plastiku kao energent što je zaista zločin protiv zdravlja stanovništva. Nažalost nadzora nemamo pa tako ni sankcije za firme ili pojedince koji koriste ovaj otpad kao energent. U tom smislu smatramo da je Općinsko vijeće treba uputiti i zahtjev ili molbu ministarstvu za okoliš ZDK da bude u strogom prioritetu općina u kojima će doći do realizacije navedenog projekta. Smatramo da je odnosno imamo informaciju da je taj projekat jako skup ali evo ako krenemo već od sljedećeg Budžeta da i Opština uzme učešće da planira sredstva barem jedan dio kao podršku projektima energetske efikasnosti zgrada individualnih domaćinstava a svjesni smo da i banke imaju kreditne linije koje finansiraju ovakve projekte gdje ih se 20 % od kreditnih sredstava vraća ukoliko ulože u bilo šta što je vezano za energetsku efikasnost. Već smo upozorili da postojeći propisi koji regulišu prostorno planiranje i gradnju kao i Zakoni o zaštiti zraka i okoliša precizno regulišu obaveze i mjere zaštite zraka a što do sada nije bila praksa u Maglaju. Još jednom ističemo da ćemo insistirati na dosljednom poštovanju ovih propisa. Planiranje izgradnje objekata, asfaltiranje površina i druge infrastrukture ne smiju da budu na uštrb zelenih površina, drvoreda i slično nego naprotiv da se planski pristupi i izradi novih i uređenju ovakvih površina. Isto tako podržavamo što brže sistemsko rješenje područja pećine Megara na Ozrenu kao zaštićenog blaga ali ističemo da po novom zakonu opštine same ne mogu donositi Odluke o prirodnim područjima i zaštiti za lokalnu zajednicu. Mi smo još u toku usvajanja programa zaštite i spašavanja stanovništva od prirodnih i drugih pojava na općini Maglaj od početka 2024.godine a potom i kroz vijećničko pitanje ukazivali na obavezu organa uprave da planiraju i djeluju u situacijama kada je Maglaj u periodima zagađenosti zraka. Posjetili smo na obavezu provođenja plana interventnih mjera u slučajevima prekomjerne zagađenosti zraka koji je na snazi od februara 2024.godine. Dok se npr. u Kaknju i nekim drugim sredinama uveliko provode mjere, mi za cijelu godinu nismo kao građani imali upozorenje da osjetljiva lica izbjegavaju kretanje na otvorenom. Plan predviđa mjere i smatramo da bi ga trebalo i poštovati. Pošto znamo da u ovim obavezama svoje nezamjenjivo mjesto imaju strukture civilne zaštite, veze sa Federalnim meteorološkim zavodom Instituta Kemal Kapetanović, ministarstvom za okoliš i da je potrebno puno toga urediti kroz planske i normativne akte mi apelujemo na načelnika da ove akte i dokumente stavi u vrh prioriteta djelovanja u 2026. godini.

Predsjedavajuća Aida Bašić: Hvala lijepo. Da li ima još vijećnika za diskusiju? Vijećnik Obralić.

Vijećnik Adin Obralić: Zahvaljujem, u ime Kluba vezano za ovu tačku prijedlog zaključka na tačku Dnevnog reda Informacija o kvalitetu zraka u općini Maglaj. Shodno zaključcima i preporukama iz Informacije o kvalitetu zraka u općini Maglaj koji smo dobili od Federalnog hidrometeorološkog zavoda u kojem se navodi da je kvalitet zraka u Maglaju u 2025. godini ozbiljno narušen, te na osnovu podataka Zdravstveno statističkog godišnjaka FBiH za 2024.godinu u kojem se navodi da je ZE-DO kanton na drugom mjesu po broju oboljelih od malignih bolesti pri čemu prednjači karcinom pluća kao i povećanom broju oboljelih od drugih plućnih bolesti i kože. Tražimo da se do kraja 2025.godine organizuje tematska sjednica o kvalitetu zraka na području općine Maglaj kao i uticaju tog zraka na zdravlje građana. Na sjednici bi trebali prisustvovati predstavnici Ministarstva zdravstva ZE-DO kantona, Ministarstvo za prostorno uređenje, promet i komunikacije i zaštitu okoliša, te Instituta za zdravlje i sigurnost hrane. Hvala.

Predsjedavajuća Aida Bašić: Hvala lijepo. Da li ima još vijećnika koji se javljaju za diskusiju? Vijećnik Serhatlić izvolite.

Vijećnik Nesib Serhatlić: Evo pored svega nabrojanog zaista je situacija sa onečišćenjem zraka jako komplikovana i velika. Mi moramo svako u svom domenu dati svoj doprinos da se one nepravilnosti na koje možemo mi uticati da se zaista otklone a danas sam u diskusiji mislim gospođe Aide, dobio informaciju odnosno sumnju da pojedini lože sve i svašta pa npr teksitl, plastiku, gumu itd. ako toga ima, ja ne mogu tvrditi niti da ima niti da nema, može i biti može i ne biti ali to je zaista zločin prvo prema samom sebi pa onda prema svima nama. Ja predlažem da nadležne inspekcije koje su zadužene za tu oblast da odu, obidu sve firme u Maglaju potencijalne korisnike odnosno potencijalne zagađivače zbog tog takvog načina zagrijavanja, da ustanove tačno je li to ima ili to nema. Ako ima zaista treba poduzeti ovaj kaznene mjere, pokažnjavati sve to kako bi bar u tom dijelu ako ima tog da spriječimo da nam se zrak onečišćava a ovo ostalo zahtjev jednu zaista studioznu analizu na koji način se naš zrak može poboljšati. Imamo mi tu dosta zamjerki, recimo za rad u Natronu. Natron nije jedini zagađivač zraka ali evo možemo pretpostaviti da će Natron u narednom periodu pogotovo što ulaže dosta sredstava preko 100 miliona u nova postrojenja da će na neki način naći načina da u što manjoj mjeri on bude izvor tih onečišćenja. Evo još jednom aludiram da možda u vidu zaključka jednog od zaključaka da inspekcije odu na teren i da utvrde da li ima korištenja, da li ima loženja ovih stvari koje su večeras u raspravi. Hvala.

Predsjedavajuća Aida Bašić: Hvala lijepo, evo javljam se za riječ.

Vijećnica Aida Bašić: Kada ste pomenuli Natron Hayat Nesibe, želim da se osvrnem i ja na to, pošto kada pomenete Natron svi gledate u mene. U proteklom periodu su određeni kritičari iskoristili to što ja radim u Natron Hayatu pa sve ono što se dešavalo sa zagađenje zraka nekako usmjerili na mene. Ja moram da razočaram i kritičare i određene vijećnike i da kažem da ja u Natronu ne radim u tehničko-tehnološkoj oblasti i da ne sjedim negdje i da ne držim ovaj ručicu od filtera i tako toga i da odvrćem i zavrćem kada će se zrak onečistiti i bilo je jako neprofesionalno, nehumano ono što su pojedinci radili. Znači, bila bih zaista sretna da je naš zrak izuzetno čist jer naravno i ja taj zrak udišem i moja djeca i moja porodica i svi mi zajedno. Isto tako želim da kažem da Natron Hayat ne postoji od kada ja radim u njemu, on postoji od 1956.godine i sigurno je u proteklim godinama bilo zagađenje daleko veće jer su se radile određene investicije koje su i sam taj dio poboljšale ali evo koga zanima sigurno mi imamo izvršnog direktora, imamo i menadžere koji su direktno vezani za tehničko-tehnološku oblast i postrojenja koja utiču na zagađenje zraka. Tako da i informišem a i da razočaram te kritičare koji se bave tim pitanjem u proteklom periodu.

Predsjedavajuća Aida Bašić: Vijećnik Burić se javio za riječ, izvolite

Vijećnik Kenan Burić: Ja bih se samo nadovezao na kolegu Obralića koji je rekao da se tematska sjednica napravi, da se određena ministarstva pozovu. Mislim da bi lijepo bilo da se pozovu vlasnici ili direktori firmi koji se bave porizvodnjom, koji u nekoj mjeri zagađuju zrak, da budu prisutni na toj tematskoj sjednici pa da vidimo, da svi zajedno nađemo neko rješenje, da smanjimo to zagađenje, da dovedemo u red sve kako bi trebalo biti.

Predsjedavajuća Aida Bašić: Hvala lijepo, Arife izvolite.

Vijećnik Arif Mujkanović: Slažem se sa dopredsjedavajućom u jednom dijelu, a i kolega Nesib se također dokučio. Znam se Nesibe podaci i ko je to radio, konkretno gdje se ložilo, krpe, moja jedinica je, mi smo intervenisali, policija je izašla na teren kao savjesni građanin ja sam obavijestio policiju. Dalje treba da se utvrdi, međutim po meni je ova informacija što je bila ovdje je trebalo da se uključi cjelokupna društvena zajednica i rukovodstvo Općine na čelu sa načelnikom da se dadne puno veći akcenat ovoj Informaciji i da se pripremi. Ako se sjećate prilikom usvajanja Programa rada Općinskog vijeća ja sam insistirao da se ide Informacija, možda sam tada pogriješio u formulaciji, trebali smo da stavimo tačka dnevnog reda pa čak i tematska sjednica. Urađeno je na način tako kako je urađeno, međutim u periodu u kojem su se dešavale ove stvari, vidjeli smo svjedoci smo zaista, ne možemo biti slijepi, ne možemo biti nijemi, upravo ste rekli radi zdravlja naše djece. Između svega toga izabrat ću zdravlje svoga djeteta, nažalost ja sam bio, moj je dijete doživjelo takvu sudbinu da smo se morali boriti za zdravlje i to zbog čega i radi čega. Ne možemo biti slijepi pored automobila koji su nalijepljeni ne znam ni ja čime, da se ne mogu oprati, da se ne

može. Postoji razlog, postoji razlog, to ne može niko da kaže u ljetnom periodu da su to bila ložišta ili ne znam ni ja štal. Hajmo da pričamo otvoreno i da biramo zdravlje i zašto smo rekli da ćemo tražiti. Prije svega dužnost nam je na prvom mjestu sigurnost i zdravlje građana općine. Sljedeća stvar u toj Informaciji obratit ću se sada načelniku, neka se povede i računa ko će uobziriti da se to pripremi kvalitetno i stanje sa azbestom na području općine Maglaj. Nisam vidio dovoljno, samo znamo da je i azbest da se to na jedna nedadekvatan način zbrinjava čestice azbesta su prisutne svuda a nema većeg kancerogenog elementa i materijala sada trenutno od azbesta. Gdje god da se okrenemo na gradilištima, to vidimo da su nabacane table azbesta, pogledajte pa ćete vidjeti pri svjetlosti kako lebdi iznad glava naših. Imam dosta stvari koje zaista bilo bi nehumano prema našim građanima da ne dignemo ruku da napravimo tematsku sjednicu. Jednu ozbiljnu sjednicu i da uključimo sve ove što je doktor Adin nabrojao subjekte i neka kažu svoje mišljenje. Imam još ali neću sada, neka ostane, sad za sada toliko. Hvala.

Predsjedavajuća Aida Bašić: Hvala lijepo. Vijećnica Mustabašić.

Vijećnica Armina Mustabašić: Prije svega želim i ja da vas sve srdačno poselamim i pozdravim, kolegica Aida Hadžić je već iznijela dosta toga, možda ću se ponoviti u nekim stvarima ali evo na osnovu aktivizma udruženja i građana koji su tretirali ovu problematiku proizilaze sljedeće preporuke i mjere. Uspostaviti registar kućnih ložišta na području općine Maglaj s cijem identifikacije najvećeg pojedinačnog izvora zagađenja. Uvesti subvencije i podsticaje za zamjenu starih peći i kotlova ekoloških prihvatljivim sistemima grijanja, povećati učestalost nadzora od strane kantonalnih i federalnih inspekcija za zaštitu životne sredine kako bi se osiguralo poštivanje propisa i zaštite zdravlja stanovništva. Provesti detaljnu laboratorijsku analizu PM 10 čestica radi utvrđivanja prisustva teških metala poput olova, arsena, nikla, što bi omogućilo precizniju procjenu stvarnog nivoa zagađenja zraka i redovno informisati građane o kvalitetu zdravlja putem lokalnih medija i službenih medija, hvala.

Predsjedavajuća Aida Bašić: Hvala lijepo. Da li ima još vijećnika za diskusiju? Evo, pauza na zahtjev Kluba SDA, izvolite. Nastavljamo dalje. Vijećnik Kusr se javio izvolite.

Vijećnik Eldis Kusr: Ispred Kluba SDA predlažem da organizujemo tematsku sjednicu u aprilu 2026. godine i da svi aktivno uzmemo učešće zbog samih nas i naših građana. Predlažemo da se planira u 2026. godini tematska sjednica po ovom pitanju. Eto.

Predsjedavajuća Aida Bašić: Hvala lijepo, ovo je prijedlog zaključka ne može replika na prijedlog zaključka. Možete se javiti za riječ.

Vijećnik Adin Obralić: Zahvaljujem, nije mi jasno zašto april, s ozbirom da tamo u onom Izvještaju koji je Federalni hidrometereološki zavod dostavio da stoji da bi rezultati bili mjerljivi, da mora se uzeti 75 minimum posto vremena mjerenja a do aprila neće se ništa mjeriti. To ako uzmemo na godinu dana to je 40 % nekog vremena. Ako već hoćete da se pripremi kvalitetno i da se odgodi, onda je dogodi do septembra, oktobra kada se mogu uzeti mjerljivi rezultati a ne do aprila gdje se ne mogu uzeti ni polovični rezultati. Bar koliko sam ja shvatio Izvještaj tamo Federalnog hidrometereološkog zavoda u kojem oni objašnjavaju kako se mjeri. Što se mene tiče, ako ćemo već to praviti onda pravimo ovo kako ste vi tražili kvalitetno, onda pravimo u septembru, oktobru eventualno novembru ali onda ćeš imati podatke za 2026. godinu. Znači, ovo isključivo tražimo da se do kraja godine, eventualno dvije nije problem. ali ovo kažem isključivo na osnovu ovih rezultata koji su došli i što su došli prijedlozi od kolegice Armine i od dopredsjedavajuće da možemo od Ministarstva za zaštitu okoliša tražiti na toj sjednici dodatna sredstva koja ćemo inkorporirati u budžet i sve ostalo što su tražili. Zbog toga, hvala.

Predsjedavajuća Aida Bašić: Hvala lijepo. Mešić izvolite.

Vijećnik Mirza Mešić(replika): Evo ovako replika samo na ovo. Mi već imamo ovaj dio od prvog mjeseca ako sam dobro vidio tamo u materijalima, samo ćemo ova dva ključna mjeseca tri tačnije što idu oktobar, novembar i imamo poslije opet januar do aprila što idu tri mjeseca ubaciti u ovo sve gdje će sve zajedno biti sa svim relevantnim kao što smo tražili. Znači, nećemo mi novu. Ovo i jesu ključni mjeseci gdje je najveće zagađenje ovi što dolaze, to svi znamo. Hvala.

Predsjedavajuća Aida Bašić: Hvala lijepo. Evo prijedlozi su tu. Arife izvolite.

Vijećnik Arif Mujkanović: Ja ostajem pri svom prijedlogu da se uobziri stanje sa azbestom. Ako može znači da neko uključi i da se pokuša situacija da nam se prezentuje, svjesni smo koji je to problem i molio bih vas zaista da podržite moj prijedlog svi.

Predsjedavajuća Aida Bašić: Hvala Arife. Evo Eldise, je li ostajete pri ovom prijedlogu koji ste iznijeli, april mjesec 2026. godine, prijedlog Kluba SDP-a je bio do kraja godine, stavit ćemo na glasanje. Pauza na zahtjev SDP-a. Ridžal Alen je odsutan, da li Klub SDP-a želi iznijeti neki stav poslije pauze. Može izvolite.

Vijećnik Adin Obralić: Zahvaljujem s obzirom na ovo što je kolega Kusr iznio, a u interesu građana, mada mi i dalje smatramo da je to što hitnije treba obaviti ali ako ćemo se što bolje i što kvalitetnije pripremiti ponavljam opet u interesu građana a nadam se da će do tada biti i ovaj izdati i zdravstveno statistički izvještaj od strane Federalnog zavoda za javno zdravstvo FBiH o broju oboljelih. Mi ćemo podržati ovaj dogovor da se sjednici do kraja godine pomjeri na april s tim da ostalo ostane sve kao u našem prijedlogu, samo pomjeramo na april kako je kolega predložio.

Predsjedavajuća Aida Bašić: Hvala lijepo. To bi značilo da možemo staviti jedan zajednički prijedlog zaključka na glasanje. Da se održi tematska sjednica, tema kvalitet zraka na području općine Maglaj i da se ista održi u aprilu 2026.godine, jeste saglasni sa tim. Uz poziv i prisustvo svih nadležnih, govorili ste i jedni i drugi o kojim institucijama je riječ. Tako da i Arif je govorio šta želi još da bude sastavni dio, pa evo sve to zajedno da se zaokruži i da održimo jednu tematsku sjednicu u aprilu mjesecu 2026.godine. Ko je za ovakav prijedlog zaključka? Ovdje se samo razilazimo oko roka. Evo onda prijedlog zaključka stavljam na glasanje.

Glasalo za: Adis Abdurahmanović, Amer Musić, Eldin Pehrat, Armina Mustabašić, Maida Burajić, Edin Salatović, Eldis Kusr, Elmedin Ramić, Alen Ridžal (SDA), Aida Hadžić, Mirza Mešić (DF), Aida Bašić (SNAGA NARODA), Mustafa Mehmedović (BH ZELENi), Nesib Serhatlić (PDA), Kenan Eurić (NARIJED BH), Samir Fetić, Eldin Mehinagić, Almin Smailović, Arif Mujkanović, Damir Bašić, Adin Obralić Senad Šehić

Glasalo protiv: Nema.

Uzdržanih: Nema.

Predsjedavajuća Aida Bašić: Glasanje je završeno. Konstatujem je da je prijedlog zaključka dobio 22 glasa za, Amer Musić kojem uređaj trenutno ne radi, glasao je također za. Možete li vi ispoštovati samu sjednicu na kojoj prisustvujete? Ja ne znam je li vam toliko sada igra ulogu 5 minuta ako vam igra ulogu da i ja ustanem i da svi zajedno idemo. Znači, molim vas sjednica je završena onog momenta kada vam kažem da je završena pa ako ste vijećnici i ako učestvujete u radu ovog Vijeća bar poštujte sami sebe, ne mene. Konstatujem znači da je prijedlog dobio 22 glasa za, također konstatujem da Informacija o kvalitetu zdravlja na općini Maglaj prima k znanju.

ZAKLJUČAK

15.1. Prima se k znanju Informacija o kvalitetu zraka u općini Maglaj

15.2. Da se u aprilu 2026. godine održi tematska sjednica na temu Kvalitet zraka na području općine Maglaj uz prisustvo svih nadležnih institucija

Predsjedavajuća Aida Bašić: Prelazimo na vijećnička pitanja i inicijative. Vijećnik Firuz izvolite.

Vijećnik Firuz Galijašević: Pozdravljam sve prisutne. Imam dvije vijećničke inicijative. U analitičkom dijelu 614239 Razhoda i izdataka, u podkategoriji „60“ koja bi glasila „Sufinansiranje sanacije i rješavanje problema vodosnabdjevanja za stanovnike općine Maglaj koji nemaju mogućnost priključenja na gradski ili neki drugi vodovod“. Iz sredstava budžeta općine obezbijediti sredstva u visini od 50.000,00 KM. Sufinansiranje bi se vršilo za npr. kopanje bunara, dovođenje novih izvora pitke vode u domaćinstva i sanaciju postojeće vodovodne mreže. Na ovaj način bi se trajno riješilo vodosnabdjevanje mnogih stanovnika koji žive u udaljenim naseljima naše općine u kojima nema zajedničkog vodovoda. Druga inicijativa Prijedlog za budžet 2026.godine U analitičkom dijelu 614239 Razhoda i izdataka, u podkategoriji „58“ izmijeniti tekst

„Sufinansiranje sanacije fasada stambenih zgrada u užem gradskom jezgri i zamjene azbestnih krovova a koji bi glasilo „Sufinansiranje sanacije fasada stambenih objekata i zamjene azbestnih krovova“. Sufinansiranjem utopljanja stambenih objekata na cijelom području općine Maglaj bi se napokon umanjila diskriminacija prema građanima koji ne žive u užem gradskom jezgri. Utopljavanjem stambenih objekata na cijelom području općine Maglaj bi se smanjila potrošnja uglja i ogrijevnog drveta i umanjila bi se i zagađenost zraka koja je ionako katastrofalna na području naše općine. Iz sredstava budžeta općine obezbjediti sredstva u visini od 50.000.00 KM.

Predsjedavajuća Aida Bašić: Hvala Firuze, javljam se za riječ.

Vijećnica Aida Bašić: Podnosim vijećničku inicijativu zbog sve većih problema i brojnih ličnih obraćanja građana općine Maglaj, a koji koriste navedeni regionalni put Perkovići-Prnjavor, kako bi došli do magistralnog puta M17 i dalje do grada Maglaja i drugih gradova, podnosim vijećničku inicijativu na hitnom angažmanu općinskih struktura Maglaj u cilju animacije nadležnih kantonalnih struktura i Ministarstva prometa i komunikacija ZE-DO Kantona, na izgradnji jedne isključne trake na navedenom regionalnom putu, na raskrsnici sa magistralnim putem M 17. Naime, navedena raskrsnica se nalazi na području općine Žepče, ali zbog fizičke odvojenosti novošeherskog kraja, istu u velikoj mjeri koriste upravo stanovnici općine Maglaj.

Zbog svega navedenog bilo bi dobro da se u obraćanju kantonalnim institucijama zajedno sa općinskom strukturom Maglaja, uključi i općina Žepče, jer je interes isti a to je rasterećenje raskrsnice, koja u vremenu špice stvara ogromne kolone vozila pri uključenju na magistralni put M 17. Bitno je još napomenuti da je idejno i provedbeno navedenu inicijativu veoma lahko realizovati gdje bi trebalo izvršiti proširenje regionalnog puta za jednu saobraćajnu traku i asfaltirati istu (nema problema imovinsko- pravne prirode jer se ne bi ulazilo u privatno vlasništvo). Realizacijom navedenog bi se dobile dvije isključne trake pri uključenju na M17, jedna za Maglaj, druga za Žepče a što bi vrijeme čekanja za uključenje na M 17 smanjilo za 50 %. Naravno, svakako su poželjne i složenije i skuplje varijante koje bi stručna lica saobraćajne struke predložili poput kružnog toka u Nemiljoj i Golubini, ali i ovako bi se svakako doprinijelo smanjenju gužve ali i onog najbitnijeg povećanju sigurnosti učesnika u saobraćaju. Ako želimo da djelujemo proaktivno u cilju prepoznavanja problema građana na terenu i rješavanja istih uz realna i izgledna ulaganja (ovdje se konkretno radi o ulaganjima od 30.000 do 50.000 KM), a što bi za posljedicu sigurno imalo opšte zadovoljstvo građana koji svakodnevno putuju, ovo nam je zaista korisna i dobra prilika.

Predsjedavajuća Aida Bašić: Vijećnica Maida.

Vijećnica Maida Burajić: U skladu sa svojim ovlaštenjima, a u interesu unaprijeđenja sportskih aktivnosti među djecom i mladima, podnosim inicijativu za uvođenjem streljaštva kao vannastavne aktivnosti u osnovnim i srednjim školama na području općine Maglaj. Obrazloženje: Streljaštvo je sportska disciplina koja razvija koncentraciju, preciznost, smirenost i odgovornost. Kroz stručno vođene i kontrolisane treninge, učenici imaju priliku razvijati mentalne i fizičke discipline koje pozitivno utiču na njihov cjelokupan razvoj. Uvođenjem streljaštva kao vannastavne aktivnosti, naša općina bi:

- ponudila djeci i mladima alterantivnu sportsku disciplinu, različitu od standardnih timskih sportova,
- podstakla razvoj discipline, samopouzdanja i fokusa kod učenika;
- otvorila mogućnost otkrivanja talenata koji bi mogli predstavljati Općinu Maglaj na kantonalnim, entiteskim i državnim takmičenjima,
- doprinijela promociji sigurnog i odgovornog rukovanja sportskim oružjem pod stručnim nadzorom,
- ojačala saradnju između obrazovnih ustanova i lokalnih sportskih klubova, posebno streljačkih udruženja ukoliko postoje na području općine.

Ova inicijativa podrazumjeva:

- ispitivanje mogućnosti opremanja osnovnih streljana (ili adaptaciju postojećih prostora).
- obuku nastavnog kadra ili angažovanje stručnih lica- trenera iz streljačkih klubova;

-saradnju sa Ministarstvom obrazovanja i Ministarstvom unutrašnjih poslova u vezi sa pitanjima sigurnosti i zakonske regulative.

Pozivam nadležne općinske službe da u saradnji sa školama i sportskim udruženjima, izrade analizu i prijedlog modela realizacije ove aktivnosti, te da se ista uvede najprije kao pilot-projekat u jednoj ili više škola, s mogućnošću kasnijeg proširenja na sve osnovne i srednje škole na području općine.

Smatram da bi usvajanjem ove inicijative značajno doprinijelo razvoju sporta, jačanju školskih aktivnosti i stvaranju pozitivnog ambijenta za odgoj i obrazovanje mladih u našoj zajednici.

Predsjedavajuća Aida Bašić: Hvala, Vijećnik Burić.

Vijećnik Kenan Burić: Ja imam dvije inicijative neću sve detaljno čitati, prva se odnosi na povećanje udaljenosti kladionica i igara na sreću od ovih vjerskih objekata i škola, s tim da bih ja ovdje u ovu udaljenost uvrstio i dječije vrtiće jer sve više kladionica se otvara preko puta dječijih vrtića a kako federalni zakon propisuje minimalna udaljenost od 100 m ja bih tu udaljenost na općini Maglaj stavio na 300m. Druga inicijativa se odnosi na obilježavanje pješačkih prelaza žutom bojom. Razlog za ovu inicijativu jeste što se u noćnim uslovima koje su za vrijeme padavina, kiše ili snijega klasična bijela boja. Klasično bijelo obilježeni pješački prelazi često se slabije uočavaju, kako za vozače motornih vozila, tako i za same pješake. Farbanjem u žutu boju je intenzivnija i reflektuje svjetlost pod različitim vremenskim uvjetima povećala bi se preglednost i sigurnost svih učesnika u saobraćaju. Imam jedno pitanje za Komisiju za saobraćaj, pošto su mi na inicijativu odgovorili da bi se trebao raditi projekat od semafora do osnovne škole i od škole do kružnog toga kod Mega Diskonta, kada će se taj projekat raditi jer vidimo da i dalje imamo bahate vozače kako auta, tako i mopeđa i motora. Hvala.

Predsjedavajuća Aida Bašić: Hvala lijepo. Vijećnik Obralić izvolite.

Vijećnik Adin Obralić: Zahvaljujem, ja ću kratko, ovaj put ponovo ću ponoviti riječ je o ponovljenim vijećničkim inicijativama da sam na do sada na 10 prethodno održanih sjednica Općinskog vijeća uputio 5 vijećničkih inicijativa koje ćete dobiti pismeno. Ni na jednu do sada nisam dobio odgovor. Ponovo ću skrenuti pažnju na član 11. stav 2 Poslovnika koji je ovaj put prekršen i u nadi da ćete ovaj put ispoštovati odredbe pomenutog Poslovnika.

Predsjedavajuća Aida Bašić: Hvala lijepo, vijećnica Hadžić.

Vijećnica Aida Hadžić: Postavljam vijećničko pitanje službi a tiče se statusa odnosno stanje puta u Misurićima uz željezničku stanicu mi to zovemo Crni put. Znači od Binga do Parka domovine u kakvom je stanju, odnosno status tog puta. Kako bi smo mogli sljedeće godine to možda i planirati u Budžetu za rekonstrukciju tog puta jer imamo novo naselje tamo u blizini HM Prometa. Zaista je ono lijepo naselje sve su to mlade porodice. Njima se treba omogućiti adekvatan put, pa evo samo da služba odgovori u kakvom je stanju taj put, odnosno status pa da možemo ići dalje.

Predsjedavajuća Aida Bašić: Hvala lijepo. Da li ima još vijećnika za podnošenje vijećničkih inicijativa, ukoliko nema, zaključujem 11. redovnu sjednicu Općinskog vijeća Maglaj u 20,00 sati.

Sjednica završena u 20,00 sati.

Zapisničar,

Elza Gračić Skejić



